

聖
詠
經

天主降生一千八百七十九年

聖詠經

歲次己卯

京都東教宗北館

聖詠經序

古遺詔中聖詠。多係聖王達微德。及古聖先知所譔。乃預爲救世者所述之預言。並訓導人行善。文皆駢儷。便於頌歌。故名之爲詠。實乃祈禱讚揚天主之規

模也。是以古今聖堂中。時常誦
之。而誠信熱衷之人。家居亦應
晨昏諷詠。以表其愛敬天主之
誠。或藉此克以誓除罪蒂。望目
前賜救贖之恩。力積善功。期身
後享福樂之報。裨益誠非淺鮮。

第中華譯本不一。語意間有參
差。讀者無所適從。茲特遵聖經
本義譯出。於經語不敢率意倒
置。庶誦禱課者。有所遵守。刊竣
呈政同道者。幸匡其謬誤焉。

凡例

一 聖詠外別有續聖詠一章亦係達微德王所撰向不列於百五十章之內此書係爲禱課所用特附載於後以昭全備

一 百五十章內凡第一第二節係紀原叙者因其無關祈禱概置弗錄直從第二第三節起以歸簡捷

一 此書原爲禱課所用故將百五十章共析爲二十分每分析爲三段每段後附以榮光讚詞以清節目

一 凡在家祈禱者每誦至榮光讚詞時心中應記憶存

亡諸人代為祈禱以盡愛人如己之義。

一榮光讚詞乃教眾平素所熟誦者今祇將詞句次序

總錄於前以下每段末惟標榮光讚詞四字以括之。

為省文也。

一榮光讚詞次序

榮光於父及子及聖神自今至恒久及無窮世阿民

阿利魯伊阿阿利魯伊阿阿利魯伊阿主讚揚爾誦三次

主矜憐我等誦三次 又誦 榮光至阿民

聖詠經

第一分

第一聖詠

福哉弗趨至惡人之議論者不立於罪人之道路者不借

壞人以相坐者其志在主之法而晝夜注思之伊將如植

於溪濱之木依時結果其葉不萎凡所作者皆遂意至彼

惡人則否乃如於地為風吹散之糝糠是惡人於審判及

罪人於義人中不能自立因主不忘義人之道而惡人之

途必滅

第二聖詠

一 異邦何為鬪亂，列民何為徒謀，^二諸世王興起，諸公卿聚議，
 為敵天主及其合喇斯托斯，^三謂我儕須斷其縛，棄其桎，^四然
 在天者乃晒之，^五主藐視伊等，其時必發威責斥之，^六以赫怒
 震赫之，^七曰：我立之為我錫汶聖山之君，^八我將傳定命，主曾
 對我曰：爾乃我之子，^九我今生爾，爾可求我，我必以萬民于
 爾作嗣業，又以地極屬爾統轄，^十爾可以鐵棒毀壞伊等，擊
 碎伊等猶如瓦器云，^{十一}是以列王歎當覺悟，^{十二}地上統理者應
 學之，當以敬畏事主，^{十三}以戰慄喜悅之，^{十四}當恭敬子，^{十五}恐伊發怒

懼爾儕於途間滅亡，因主之怒旋將轟烈，^一福哉，^二凡倚望主
 者。

第三聖詠

一 吾主，我之讐敵極多矣，^二眾多背畔我，^三眾多為我靈曰：彼不
 能獲救於天主，^四然我主歟，爾為我之盾，^五係我之榮光，^六爾仰
 我首，^七我發聲籲主，^八而主自其聖山聞之，^九我臥而眠而覺，^十蓋
 我主護我，^{十一}我弗懼之萬民，^{十二}環而攻擊我，^{十三}主起歟，^{十四}我主救我，^{十五}
 因主親手批我諸讐敵之頰，^{十六}折惡人之齒，^{十七}救係自主，^{十八}爾降
 福於爾民。

榮光讚詞

第四聖詠

我之義主我籲爾之時二祈聞之我於窘狹時爾已寬之矜
 憐我聆我之禱人三之子歟我之榮光被輕藐至何時爾曹
 喜虛偽及求為詭詐至何時爾曹宜知主特析其聖人屬
 伊我籲主主聽之爾曹忿時毋犯罪于榻上靜思安慰之
 爾薦義祭而倚恃主有多人曰誰示我以善主歟爾面之
 光六祈示我儕主已滿我心以悅樂勝彼穀糧酒油之充裕
 時我坦然偃臥因惟主賜我平安度生九

第五聖詠

主歟聽我之言詞洞澈我之思慮三聆我呼籲之聲我君我
 天主因我惟禱爾主歟晨聽我之聲我旦將立于爾前而
 候五蓋爾乃天主不悅無道惡人不能偕爾處諸惡者弗得
 立于爾目前爾憎一切無道者爾必壞妄言者殘忍詭詐
 者主疾之八至我倚爾之鴻恩將進爾之室以敬畏爾伏拜
 于爾聖堂前九主歟以我之讐敵而導我于爾公義于我前
 修平爾道十蓋於伊等口無真實其心陷害伊等喉如開啟
 之墓其舌滑稽十一主歟定伊等之罪使伊等為其謀而敗因

伊等惡積而棄之蓋伊等叛爾而倚爾者將喜及永樂之
而爾護佑之愛爾名者將以爾而自詡十三因主賜福予義人
以恩如盾環衛之

第六聖詠

主二歟毋以忿憶責斥我毋以赫怒罰我主三歟矜憐我因我
懦弱主四歟醫我因我骸悚動我靈亦極戰兢主將至何時
主五歟回轉拯濟我靈緣爾之恩而救我蓋於死中莫能憶
爾墓中孰讚頌爾七我因嗟嘆而困倦每夜以涕滌我榻以
淚浸濕我席我眸因憂鬱而枯因我眾仇讐而衰九爾等一

切行無道者離我蓋主已聞我號泣之聲聆我之祈主將
納我之禱十一願我之眾仇敵愧恥被擊傷願伊等倏然間退
而羞慚

榮光讚詞

第七聖詠

主二歟我天主歟我倚恃爾救我於一切窘迫我者而援拔
之願彼毋拔我之靈如獅之擘分而無救濟者主四歟我天
主歟我若曾為何事我若手內誠有不宜之事我若以惡
報素與我和睦者且人無故與我構仇我亦不時救之六若

有此失則願仇敵追及執我之靈踏我生命于地擲我榮
 華于塵主歟發怒而起向我仇敵之狼戾為我起行爾前
 所許之審判大眾將環向之爾其升舉之主審判萬民求
 主依我之公義及我之純誠而判議之願惡者之忿恨止
 息求爾堅固義人蓋爾公義之天主能鑒察人之心胸我
 之盾在救正心者之天主天主乃公義審判者強健者恒
 久寬容者若有人弗歸則每日嚴訛者主礪其刃張其弓
 而對指之設死之具其矢為發燄者此惡人懷違理孕狼
 毒而生詭詐掘阱已竣反自陷于其阱其狠毒歸于其首
 其悖逆歸于其頂以主公義我讚揚之而歌頌至上之名

第八聖詠

主歟我等之天主爾之名何其大被于全地主榮超于諸
 天上而借孺子乳食之口作讚揚爾為爾仇敵使仇敵及
 報復者緘默我仰觀爾之諸天係爾手所作者月星係爾
 所置者其人為何物而爾憶之其人子為何物而爾眷顧
 之爾降彼較遜于天神以尊榮冠冕之立之而統制爾手
 所造之物置諸物于其足下凡牛羊及野獸飛空之禽海
 鱗一切游于海者主歟我等之天主主之名何其大被于

全地

榮光讚詞

第二分

第九聖詠

主歟，我將盡心稱揚爾，而傳揚爾之諸奇事。至高者，我將
 為爾慶忭，歌頌于爾之名。我之仇敵既被退，及顛躓而亡
 於爾面前。因爾為我伸冤及訟理，公義審判者，坐於寶座，
 爾發怒於異邦，殲誅惡人，令其名磨滅，至無窮世。諸仇敵
 失盡兵刃，且爾毀諸城，及伊等之名亦並滅。而主乃永在。

設備寶座，為行審判。依公義將審判普世，據真理判治萬
 民。主將予受屈者為趨避處，予遇危難時為安棲處。凡承
 認爾名者，將冀望爾。因主不棄求爾者，應歌頌駐錫汶之
 主，而傳其所行之事於萬民中。因主問流血之罪憶而不
 忘，其受欺凌叱咤者，主歟，提升我於死之門者，矜憐我，顧
 我於仇敵所受之苦難。為我能以稱揚諸美爾之詞，於錫
 汶之城門內，而將悅爾之救拔。異邦已陷於其所掘之阱
 內，繫其足於伊等所潛伏之網內。主以行審判而被識，惡
 人以其手中所為之事，而被牢籠。願惡人及諸忘主之異

邦赴地獄蓋貧窶者不能常被忘窮困者之冀望終不能
 失落求主歟起莫令人獲勝願異邦於爾面前受審判主
 歟使伊等畏懼令萬民自知伊等係人主歟何為遠立自
 隱於危難之時惡人以驕傲而凌迫貧窮者願伊等陷於
 其計謀二四因惡人以其心之貪慾自矜詡貪財者自稱揚惡
 人以驕傲而藐視主曰必不問凡其諸思念以為無天主
 其每行之道嘗係有害爾之律法去伊甚遠而藐視其諸
 仇敵其心謂我必弗搖動我世世弗遭凶惡云其口充滿
 以詛呪詭計欺詐其舌下乃窘迫殘害其潛伏於圍垣後

於暗處害無辜者以目諦視貧者於暗處伺候如獅之在
 其窟中埋伏待捉貧者即捉貧者牽之於己之網內三五曲伏
 而貧者落於其爪其心謂天主忘而蔽面永弗見主歟我
 天主歟起舉爾手莫忘爾之受窘迫者惡人何以藐視天
 主其心謂爾弗責之而爾乃見之爾見窘迫及凌虐為報
 應之以爾之手貧者付於爾為孤獨者爾保護佑求主擊
 折罪惡人之筋力致其惡事無從尋主係君於無窮世異
 邦將潰滅於其地三六主歟爾聽謙卑者之所願求固其心開
 爾之耳為讞彼孤獨窘迫者不令人駭畏之於地上

第十聖詠

我向主而冀望，而爾曹何為向我靈曰：爾可飛至山巔，若
 鳥然，蓋惡人張弓注矢於弦，意欲於暗中射彼心義者，伊
 等根基既壞，義者何能為主居於其聖堂內，主之寶座在
 天，主目顧貧者，主眼鑒察人子等，主試驗義者，而心厭惡
 人及強暴者，將以熱炭烈火硫磺，傾注於惡人如雨，炎風
 為伊等之分，即飲爵之分，因主係公義者，喜公義，其面顧
 正直者。

榮光讚詞

第十一聖詠

主歎救我，因缺義德之人，於人子中無虔信者，人向人互
 言虛妄，諂媚之口，所言由詭詐之心，主將滅詭口，及誇舌，
 彼謂我舌能勝管，係我儕者，誰能為我主，主曰：因貧者受
 苦窮者嗟嘆，我今欲起，將救彼為人所欲執者，主言乃清
 潔者，如銀於爐冶砂中所鎔淨，而煨經七次者，主歎爾將
 保佑之，自今至世世護持之，人子中么魔者，既升高位，惡
 人遂環行。

第十二聖詠

主歟，忘我將至幾何時，掩爾面於我躬，將至幾何時，我之
 靈魂內謀計，心中夙夜忉忉，將至幾何時，我仇敵勝我，將
 至幾何時，主歟，我之天主，視我聽我，光明我目，不使我沉
 眠至終，為不使我仇敵曰，我勝之矣，為不使我撼搖時，凌
 虐我者喜樂，我倚爾之仁慈，我心喜悅於爾之救拔，我將
 讚頌施恩於我之主，及稱頌至上主之名。

第十三聖詠

一 愚惘者心謂無天主，伊等心壞矣，已行可惡之事，無一作
 善者，主自天俯觀人子，為察其間有認識及覓求天主者

二 否，乃皆偏歧，均朽敗，無行善者，卽一亦無，凡作惡者，吞我
 三 民如餌者，弗祈求天主者，豈皆不明悟，無可懼之處，伊等
 四 皆懷驚，因天主係在義人之儔，爾曹視貧者之謀，乃主為
 五 其冀望，而輕藐之曰，孰自錫汶而賜救於伊斯喇伊泐人，
 六 主救回被掠之民時，而亞闊烏將歡欣，伊斯喇伊泐人亦
 七 將快樂。

榮光讚詞

第十四聖詠

一 主歟，孰堪居爾居處，孰堪在爾聖山，惟行無辜者，為公義

者及存真心發言者，舌不道讒佞之言，不害親人，亦弗受
 謗於親者，目藐視邪僻者，而頌揚敬畏天主者，曾向人設
 誓，雖於惡人亦弗更變，不以己銀作利債，不受賂以陷無
 辜者，如此行者，永弗撼搖。

第十五聖詠

天主歟，護佑我，因我倚恃爾，我曾向主曰，爾係我主，我之
 善行於爾無益，我所願望，乃爾地上之聖人及爾之奇大
 者，其趨向外神者，儘使其受憂益多，而我則不奠之以其
 血祭，並我口不題伊等之名，主乃我之嗣業，我卮之分，爾

持我之分，我之輩界，周於美壤，我所嗣產，予我可喜，我將
 讚頌，啟牖我之主，以至宵間，我心腹亦警訓我，我嘗見主
 於我前，因伊處於我右，我卽弗動，因此我心喜悅，我舌快
 樂，以至我體安然於望，因爾將不令我靈留於暗府，並不
 令爾之聖者見朽壞，爾將示我以生路，於爾面前，乃歡欣
 充滿於爾之右手，乃快樂於世世。

第十六聖詠

主歟，聽明我之正直，聆我之呼籲，納我由無偽之口唇所
 出之禱，求爾審我之判，出於爾面前，而爾目視正直，爾已

試我心爾宵臨至我，鍊驗我，殊無可摘者。我口不離於我
 心，^四依爾口所言，我於人事中，護我行於逼迫者之途，^五求堅
 我步於爾之路，為我足，弗搖撼。天主^六歟，我籲爾，蓋爾將聽
 之，側爾之耳，聆我之言，^七施爾之奇恩，爾救諸望爾之人，於
 抗拒爾右手者，^八爾護我如眸子，以爾之翼覆蔽我，^九於攻我
 之惡人前，及於我靈之仇敵環我者，^十彼以脂膏自錮，口談
 驕傲，^{十一}今步步環我，儕注目欲仆我於地，^{十二}其環我如貪噬之
 獅，如小獅坐於隱暗處，^{十三}主歟，起先伊至，顛仆之，以爾之刀，^{十四}
 救我靈於惡者，^{十五}以爾手救我於人，即於世人，其福在今生。

者，以爾之財寶充滿其腹者，伊等之子皆屢足，以至遺其
 餘於彼後裔，^{十五}我乃以義將見爾面，覺起之時，以見爾容而
 自滿足。

榮光讚詞

第三分

第十七聖詠

主^一歟，我之能力，我將慕爾，^二主係我之保障，我投避之所，救
 護我者，我之天主，我之磐石，我倚恃之，我之盾，^三救我之角，
 為我之歸所，^四我將籲當尊之主，而離我於仇敵，^五致死之痛。

苦纏繫我，魔之溪流震嚇我，地獄之鎖環我，死之網罟縛我。^七
 我我於窘難中曾籲主，呼我天主，而伊由聖殿中聆我之聲。^八
 我之號呼達於伊耳，因主之赫怒，地已震動，山基搖移。^九
 因伊之怒發烟燄，自其口噴烈火，炭火轟流，伊側天而下，^十
 其足下黑暗，騎於叶嚙微木，而飛翔於風之翼上，以黑暗^{十一}
 為幕罩，以雲水之黑暗為圍幄，伊之面前光輝，雲電火炭^{十二}
 飛過，主天上轟雷，至上者發已之聲，電及紅炭射已，矢而^{十三}
 潰之，施眾電火而散之，主歟，因爾威嚴之聲，因爾怒氣出^{十四}
 水泉，顯露天下之基，伊自上舒其臂，執我而提出之，於水^{十五}

中救我於我强悍之仇敵，及於眾疾我較強於我者，彼攻^{十六}
 我於我遇難之時，而有主為我之依，伊引出我至寬綽之^{十七}
 地而救之，因其眷顧我，主按我之公義而償我，按我手之^{十八}
 純潔而善報之，因我素守主之道，於我天主前未曾為惡^{十九}
 者，因其諸誠常於我前，其律我未嘗背離，我於伊前夙係^{二十}
 無罪者，而謹防犯罪，故主償我，按我之公義，及我手之純^{二十一}
 潔，於其面前，爾於慈善者，待以慈善，於真誠者，待以真誠，^{二十二}
 於清潔者，待以清潔，於奸邪者，待之，按其奸邪，因爾救窘^{二十三}
 迫者，而抑驕，自主歟，爾然我燈，我之天主，光啟我之昏暗，^{二十四}

借爾我敗敵軍，借我天主，升城堞，天主者其道係純，其言

係潔，係凡倚伊者之盾，因主之外，孰為天主，我天主之外，

孰為護佑，天主以力束我，備我坦道，使我足如鹿足，置我

於高區，教我手嫻於戰，而我臂壞銅弓，爾賜我爾拯救之

盾，爾之右手扶持我，爾恩尊大我，爾寬我步於下，而我足

弗搖動，我逐我之讐仇及之，以至弗旋，弗殺盡擊傷之，而

伊等弗能起，顛仆於我足下，因爾曾以力束我，為能戰，且

降服攻擊我者，於我足下，爾轉我仇敵之背於我前，而我

鐵怨我者，伊等雖呼而無救者，顛於主，而伊弗應，我散伊

等，如風於灰塵，踏之如衢泥，爾曾救我於民之擾亂，立我

為異邦之首領，我素所未識之民奉事我，彼一聞我名，即

服我，而異邦人謠事我，異邦之人面變色，而戰兢於其固

塞，主係永在護佑我者，應讚頌救我之天主，應稱揚天主

係代我報復者，使諸邦歸服我者，而救我於我仇敵者，爾

令我勝夫攻擊我者，脫離我於强悍之人，因此我將稱揚

爾於異邦之中，而歌頌爾之名，爾係大救君，及施宏恩於

爾所傳之達微德，並其後嗣於世世者。

榮光讚詞

第十八聖詠

諸天宣天主之榮名，穹蒼明誥其手所造者。此日傳言於
 彼日，此宵傳知於彼宵。無言無語不聽其音者，其聲行逾
 普地。其言直至地涯，伊在彼建日之居處，而日出如新郎
 出新室。喜如勇士欣驅騁，彼出於天涯，行入於天涯，而無
 物不蒙其燠。主之法律係成者，能健靈。主之啟示係誠實
 者，能使蒙者慧。主之命係正直者，能悅人心。主之誠諭係
 明潔者，能明目。畏主之震，係純潔者，存於永遠。主之諸判
 係真實而公義者，較黃金以至多精金為可慕。甘勝蜜及

蜂房所垂注者，爾之僕藉此得護衛，守之得大賚。孰能見
 己之諸過誤，求爾潔我於潛隱。毋容爾僕故犯，為不使其
 主制於我，則我正直焉。而淨大慝。主歟。我之保障，我之救
 援，願爾悅我口所言，及心所思者。

第十九聖詠

願主聆爾於憂患之日，願亞闊烏之天主名，護佑爾。願伊
 自聖所中施助於爾，由錫汶健立爾。憶爾所祭獻者，及爾
 全燔為豐腴。願主賜爾順爾之心，而成全爾所謀者。我儕
 將喜爾之得救，而將舉旌於我天主之名。願主滿遂爾所

求者今我知主救被傳油者而以其救拯右手之力允之
 自伊諸聖天有以車以馬為自矜者而我儕乃以我主天
 主之名自詡伊等搖動而顛仆而我儕則起而卓立主歟
 救君而於我儕顛爾之時聆納之

第二十聖詠

主歟令國君藉爾之力喜悅以爾之救歡樂無盡爾曾賜
 之其心所願者而弗辭其口所求者因爾曾以寵福迎之
 以精金冠冠於其首其求生命於爾即賜壽無疆於爾之
 施救其榮乃大爾以威嚴與榮華覆之爾曾賜之寵福於

世世以爾歡容使之喜悅因國君倚賴主藉至上主之恩
 不至搖動爾手將執盡爾仇敵爾右手將覓捉憾爾者爾
 怒時將造之如火爐主於怒時將滅之而火將齧之爾將
 滅其後裔於地上並絕其苗類於人中因其曾謀害於爾
 彼曾設機乃弗能成爾將使之為鵠而以爾諸弓射矢於
 其面主歟願爾以爾之力自揚舉而我儕將稱頌讚揚爾
 之權能

榮光讚詞

第二十一聖詠

我之天主歟我之天主歟祈聽我何為遺棄我我號泣之
 言遠離于我之救我之天主歟我晝呼籲而弗應夜間呼
 籲而我弗得安四然爾聖者爾居于伊斯喇伊泐人讚頌之
 中我之諸祖曾倚恃于爾而以倚恃爾曾救伊等伊等曾
 呼籲于爾而獲救曾冀望于爾而弗承羞我乃係蟲非係
 人人所謗者民所藐者凡見我者皆欺笑我領之而口內
 曰伊曾倚恃主主即可救之苟彼獲愛于主即可救之
 然爾出我於腹中於我食母乳時置冀望于我中我自於
 腹中即係附托于爾自我於母腹中時爾即為我之天主

毋離我因憂患邇矣而無護佑者有多十三犢牛曾環我十五及桑
 之牡牛已圍我張口于我如極耽且吼之獅我注如水我
 諸骸散矣我心如燭鎔于我腸中我力枯如片瓦我舌貼
 于齶上爾將擲我于死之塵埃因諸犬環我惡人之隊圍
 我刺穿我之手足可數我之諸骨而伊等注目笑視之互
 分我之衣鬪獲我之裳主歟毋離我我之力歟佑我救我
 靈于刀劍救我孤魂于犬爪三祈救我於獅口聆我而救之
 于兕角我將以爾名傳揚于弟兄中稱頌爾于會中二四凡敬
 主者應讚揚之亞闊烏之眾後裔應歌頌之伊斯喇伊泐

之眾苗嗣，應敬畏之于其前，^{三五}因伊不輕視而弗厭勞苦者
 之憂，弗轉避己面于彼，而于伊呼籲之時聆之，^{三六}我之稱頌
 于大會中，係為爾，我酬我之願于敬畏主之前，願貧者食
 之即飫，尋主者讚揚之，爾等之心，永生活地之諸極，將記
 憶主而歸之，^三其諸異邦之僑，將拜于爾前，^{三五}蓋國權屬主，而
 主統轄萬民，^三于地上豐盛者，將食而叩拜，凡歸塵土者，不
 獲護其靈者，將跪伏于伊前，^三我後裔必奉事伊，將稱之為
 主後裔，^三伊等將至，傳主之公義，及主所行者，於後生之人。

第二十二聖詠

主係我之牧者，而我將無欠缺，^二伊善安我于豐草之壤，引
 我于清平之水，^三扶持我靈為己名，導我于義德之途，^四倘我
 經于死暗之谷中，亦弗懼遇害，^五因爾偕我，爾之棒及杖慰
 我，^五爾為我備筵，向眾仇敵，傳膏于我首，而我爵充滿，^六是以
 願爾之恩寵慈愛，隨我一生，而我多日居于主堂內。

第二十三聖詠

大地及其所載之諸物，世界及其所處之生靈，皆屬主，^一因
 伊基地於海上，定之於江河上，^二孰能陟主之山，孰能立於
 其聖所，^四惟無罪之手，潔淨之心，不矢己靈於虛偽，不設偽

誓於相親者，即能受主之福，能獲天主救者之恩寵。尋主者，即似此類。亞闊烏之天主歟。尋爾面者，即似此類。闕應舉高其闕，闕永長之門，應崇之，而威榮之君將入。此威榮之君為誰，乃勇力之主，戰勝之主。闕應舉高其闕，闕永長之門，應崇之，因威榮之君將入。此威榮之君為誰，乃諸天軍之主，伊即為威榮之君。

榮光讚詞

第四分

第二十四聖詠

主歟，我向爾升舉我之靈。我之天主歟，我冀望爾，使我於世世無羞愧，毋使我之仇敵勝我，而喜樂。凡冀望爾者，使其亦無羞愧，無故違理者，願其羞愧。主指示我爾之路，訓我爾之途，導我於爾之真理，而訓之。因爾乃救我之天主。我每日冀望爾，主憶念爾之慈惠及恩賜，因其為亙古所^六有者，毋憶我幼時之罪，及愆尤。主依爾之恩，為爾之善心，而記念我。主係善及公義者，故訓示罪人於道路，導謙遜者於義德，以己之道訓之。主之諸途，皆係恩及誠實，為遵守其誠約，及所啟示者。主歟，藉爾之名，赦我之罪，以其為

重大者，孰為敬畏主者，主將示之以當擇之道，其靈將處
 於福，其裔將嗣地，主之奧秘，屬於敬畏之者，而以其誠約
 顯示之，我注目恆望主，因其提出我足於網，主歟，眷顧我，
 矜憐我，因我孤獨且窮苦，我心之憂患益多，拯出我於患
 難，俯鑒我之困苦及勞瘁，而救我之諸辜，試觀我之讐仇
 何其多，而伊等忿懣我何其深，護我靈而救之，毋使我因
 倚恃爾而被羞，願真正保護我，因我倚望爾，天主歟，救伊
 斯喇伊，泐於其諸憂苦，

第二十五聖詠

主歟，伸我冤，因我依真正而行，我倚天主，故將弗搖動，主
 歟，驗我察我，融治我腸，俯及心，蓋爾之恩，於我目前，而我
 已行於爾之真理，我未曾與虛妄者同坐，亦弗願與奸猾
 者偕行，我已疾奸惡者之黨，亦不願與無道者偕坐，主歟，
 我將以無罪盥潔我手，而周行於爾之壇，為能高聲讚頌
 爾，而傳揚爾之諸奇蹟，主歟，我曾愛慕爾所居之處，及爾
 光榮所在，毋陷害我靈，同於罪人，毋喪我生命，同於殘暴
 者，伊等手中係兇惡，其右手滿賄賂，至我則依真正而行，
 主歟，救我，矜憐我，我足立於正道，而於諸會中將讚揚主，

第二十六聖詠

主係我之光明及救我者，我孰畏，主係我生命之堅固，我孰畏，若惡者我之仇敵，欲噬我之軀，而進攻我，伊等將躡而仆，若有軍列陣來擊我，我心亦弗懼，若征戰於我，我亦有倚恃，我所會祈之主，所求者乃一事，第使我處於主之室至終，得見主之榮美，及常往其聖堂，因我患難之時，伊或將護蔽我於其幕中，將隱我於居之秘處，而升舉我於磐山上，其時我首或將昂於環我之仇敵上，而於其幕中，我將獻讚頌之祭，我將歌頌於主前，主歟，聞我呼籲之聲，

矜憐我而聆之，我心稱爾所言，爾儕當尋我面，主歟，故我將求至爾面，毋隱爾面於我，毋以怒而棄爾僕，爾係會佑助我者，天主救我者，毋棄我，毋遺我，蓋我父母曾遺我，而主將納之，主歟，訓示我以爾途，因我之仇讐，而導我於正直之路，毋付我於我諸仇敵之手，以遂其意，蓋起妄証者，於我而極憎惡之，然我信必得見主恩，於生命之地，爾當冀望主，爾須勇，須固爾心，而冀望主，

榮光讚詞

第二十七聖詠

主歟我籲稱爾爾係我之堅堡毋緘默於我恐因爾之緘
 默我即似入於墓者我呼籲於爾舉我手向爾聖堂之時
 聆我祈禱之聲毋害我偕惡人及行不義者係與相近者
 談和睦語於其心乃藏陰惡者求據其所行及其所為之
 惡而報應之据其手所作者以報之依其應受者以償之
 因其不顧主所行及主手所為者故伊將敗壞之而弗建
 立之主宜受讚揚因伊已聞我祈禱之聲主係我之力我
 之盾我心曾冀望之伊即佑助我心心乃歡暢而我宣揚
 之以歌頌主係其民之力及為其傅油者之保障祈救爾
 之民賜福於爾之嗣業收管之升舉之直至永遠

第二十八聖詠

天主子等當獻於主以榮光恭敬獻於主以榮光獻於主
 之名拜主於其榮華之聖所主聲在水之上榮光之天主
 發雷主處於洪水之上主之聲係震主之聲係威嚴主之
 聲折斷松柏主折斷利汪山之松柏使其踊躍如犢使利
 汪及錫利汶山如稚兕主之聲擊火之焰主之聲震曠野
 主震動喀叠斯之野甸主之聲驚麋鹿生子及震露林樹
 而於其堂內莫不顯揚其榮光主曾坐於洪水之上將坐

而為君於世世主將賜能力於其民主將降平安之福於其民

第二十九聖詠

主歟我將揚譽爾因爾舉升我亦弗容我之仇讐勝我而喜悅主我之天主我呼籲爾而爾即療我主歟爾曾出我靈由地獄中甦我不使我入於墓中主之諸聖者宜歌頌之讚美其聖名蓋其怒祇片時而其恩乃於一生夜間雖泣而至朝即歡悅我於享安之時曾自謂永弗搖撼主歟以爾之恩堅固我山然爾以掩面我則驚懼其時我呼籲

於爾祈禱於我主曰使我入於墓流我血有何益塵土豈能讚美爾乎抑豈能傳揚爾之真理耶主歟聆我而憐之主歟佑助我時爾曾易我哀哭為踊躍解我之哀服而束我以歡欣我靈當稱揚於爾而不緘默主歟我之天主我將永遠讚美爾

榮光讚詞

第三十聖詠

主歟我倚恃爾毋使我羞愧至永遠而以爾之義救我側爾之耳於我爾速救拔我為我爾作保我之磐石為我投

歸之處為救我，因爾係我之石山，為我之保障，因爾之名，
 導我及治我，^五引出我於暗設之網，因爾係我之能力，我
 以我靈付於爾手，主誠實之天主歟，爾曾屢救我，我疾凡敬
 奉虛妄之偶像者，而惟倚恃主，^八我將於爾之恩而歡樂，因
 爾垂顧我之患難，知我靈之憂苦，^九弗付我於仇讐之手，而
 著我足於綽裕處，^十主矜憐我，因我困狹，我目及心腹，因憂
 鬱而已枯矣，^{十一}蓋我之生命，因憂苦而衰頹，我壽因感嘆亦
 然，我力因我之罪而消乏，而我骨枯矣，^{十二}因我眾仇敵至，我
 於隣近間被辱，而為相識者所懼，遇我於衢者避之，^{十三}我為

人心所忘如死者，如已壞之器，^{十四}蓋我聞有若許人毀謗於
 四周有驚惶，以伊等合議攻我，及謀拔我靈之故，^{十五}主歟，我
 乃冀望爾，我謂爾乃我之天主，^{十六}我之時日在爾之掌中，救
 我於我仇讐及窘迫我者之手，^{十七}耀爾光面於爾僕，以爾之
 恩而救我，^{十八}主歟，毋使我因籲爾而蒙羞辱，其無道者願其
 蒙羞而默，沉於地獄中，^{十九}願其虛妄之口，向義人談驕傲藐
 視之惡言，願箝閉之，^{二十}爾之恩惠，爾所為畏爾者所存，及為
 倚恃爾於人裔之前者，所備何其多，^{二十一}爾護庇之於爾面
 之蔭，防於人之擾亂，藏之於幕下，防口舌之詆毀，^{二十二}我護揚

主以其顯奇恩於我，在鞏固之城中，我驚惶之時，謂我已見擯於爾之目前，乃我籲爾時，爾曾聆我所禱之聲，諸義者宜愛主，主護心誠者，而於傲慢者報之有餘，凡賴主者，可放膽而固爾之心。

第三十一聖詠

福哉，其過得赦，其罪蒙寬者，福哉，主不以為罪，其心無詭詐者，我緘默之時，因每日悲歎，我骸已衰朽，因爾之手，晝夜重壓於我，我之鮮潤消化，如於夏日之旱乾，然我曾承認我罪於爾，而弗諱我之愆，尤我謂我將呈告我之罪於

主前，爾解脫我違失之罪，以此諸義者，乘便時，將禱於爾，而洪水既汎溢，亦不至其身，爾為我之幘幪，爾護我於憂難，爾環我以解釋之樂，主謂我將訓爾，引置爾於爾當行之途，我將臨至爾，我日鑒顧爾，爾曹毋似馬騾之愚，必以轡以銜約束之，而馴於爾者，罪人必多憂難，而其倚望主者，則以恩環之，爾曹義者，當歡樂於主，凡心正直者，須慶賀。

榮光讚詞

第五分

第三十二聖詠

義者爾儕必欣忭於主，正直者合當讚頌，爾儕以琴讚頌。
 主以十絃之瑟歌頌之，以新歌頌之，以調和及歡呼頌之。
 因主之言係正直者，其諸所行乃誠實者，伊喜秉公及審
 判，主之諸恩徧於地，以主之言，諸天造成，以其口之氣，全
 天軍以成，伊聚海水如壘，藏深淵於藏所，普地宜敬畏主。
 諸處於天下者，應戰兢於伊前，蓋伊一言而即成，一命而
 即有主破敗異邦人之謀，消諸異民之逆計，滅諸王之策，
 惟主之謀立於世，以其衷之意於代代，以天主為其主。

乃伊選之為其嗣業者，其民誠福，主自天鑒觀而見諸人
 子，自其所坐之寶座，顧視處於地之眾，伊造成伊等之心，
 而鑒察其諸行事，國君弗克獲救，以眾軍勇士，弗能保以
 大力，以馬為救，不可恃以大力，亦弗能救其諸敬畏主，並
 冀其恩寵及望脫伊等之靈於死，保育伊等於饑時者，主
 目鑒顧之，我儕之靈冀望主，伊為我儕之佑助及護衛，因
 伊而我儕之心歡樂，蓋我儕曾倚恃其聖名，主歟，以我儕
 冀望爾，祈爾恩臨於我儕之上。

第三十三聖詠

我將時時讚美主，讚美伊之言，恒在我口中，我靈以主為

己之聲譽，和遜者聞之而將悅，爾儕偕我讚揚主，同以其

名聲揚之，我曾尋求主，伊聆納之，而於諸艱難救之，有人

仰其目於伊，即被光照，而其面將不至於羞，斯貧人號呼，

主即聞之，而救其諸患難，主之天神，環衛敬畏主者，而救

援之，爾儕嘗試之，即將知主何等仁慈，冀望伊之人，誠有

福，諸聖者宜敬畏主，因敬畏伊者，諸無缺乏，稚獅時受苦

而餒，而尋主者，諸善無缺，子弟等就我而聽之，我將訓爾

曹敬畏主之道，孰欲存活而喜長壽，為見享福者，當謹其

舌於惡，緘其口於奸猾之言，爾當避惡行善，尋和平而隨

從之主，主之目眷顧義者，其耳聆其呼籲，至其行惡者，主面

對之，為銷其名於地，眾義者呼籲，主即聞之，而救之於諸

憂難，心傷痛者，主與之近，其謙卑者，主將救之，義者有多

憂難，而主無不拯救之，伊護其百骸，至其一亦不傷折，惡

者以惡當被滅，而憎有義者當消亡，主必救其僕之靈，而

冀望伊者，至一亦不亡。

榮光讚詞

第三十四聖詠

一 求主判彼與我訟者，擊敗其與我戰者，以盾及甲起而為
 助我，^三 擊刀禦彼逐我者，求向我靈曰：我乃救爾者，願覓我
 靈者蒙羞受恥，其謀害我者退而被辱，願伊等如糠粃飛
 揚於風，而主之天神驅逐之，願伊等之途暗且滑，而主之
 天神追之，^七 蓋伊等無故暗設網羅，無故掘阱，為陷害我靈，^九
 願其倉猝被害，反自罹其暗設之網，而陷於內為滅，^九 至我
 靈將悅於主，喜於伊所施之救，我諸骸將曰：主歟，孰能如
 爾救懦弱者於强悍者，救拔窮苦貧窶者於劫奪者，^{十二} 妄證
 我者起，而以我所弗識之情事責問我，^{十二} 其以惡報我之善，
 致使我靈孤獨於伊等病時，我着哀服，以齋戒苦我靈，而
 我之祈禱翻歸於我腹內，我曾待之如我友如弟兄，我憂
 行俯首如失恃，而我躋時伊等則樂而集，誹謗者曾集為
 敵我，不知何以謗我不息，^{十五} 借虛偽譏笑者切齒於我，主歟，^{十六}
 觀望將至何時，脫我靈於其凶惡，救我孤靈於諸獅，我將
 讚稱爾於大會中，讚美爾於眾民中，為毋使無故讎我者，^{十九}
 勝我而悅，無故疾我者，彼此瞬目，蓋伊等所言者，非和平，^{二十}
 乃於地上喜和平者為計謀，騰口向我曰：嘻嘻，我儕已目
 見矣，^三 天主歟，爾已見矣，毋緘默，主歟，毋離我，我之主歟，我

三 見矣，天主歟，爾已見矣，毋緘默，主歟，毋離我，我之主歟，我
 三 乃於地上喜和平者為計謀，騰口向我曰：嘻嘻，我儕已目
 三 見矣，天主歟，爾已見矣，毋緘默，主歟，毋離我，我之主歟，我

之天主、振起而寤、為行我之審判、我之訟詞、主歟、我之天
 主、以爾之公義審判我、毋使伊等勝我而悅、毋容其心謂、
 嘻、誠如我儕之心願矣、毋使其謂我儕已啖之矣、願幸我
 災者、被羞而恥、凡向我自誇大者、被愧而受辱、為其寃得
 伸者、願其歡呼慶賀、而嘗謂賜其僕平安之主、願其至大、
 我舌將頌主之公義、而每日讚頌爾、

第三十五聖詠

惡者之無道於我心、謂其目前無天主之畏、蓋彼自詭自
 欺、於其目似省察其罪為疾之、其口所言、惟不實及詭詐、

不願覺悟以行善、其於榻上而謀無道、自立於不善之途、
 而不憎惡、主歟、爾之恩寵至於天、爾之真實直至雲霄、爾
 之義似天主之山、爾之命判如大淵、爾保護人及牲畜、天
 主歟、爾之恩惠、何其寶貴、諸人之子、於爾翼之蔭而安、屢
 飲爾室之腴、爾以爾溪之甘味而飲之、蓋生命之源在爾、
 而我等於爾之光見光、主歟、恒賜恩於承認爾者、及爾之
 公義、於行正直者、毋使傲者之足蹴我、及罪人之手揮我、
 彼為惡者、顛躓、被推仆而不能復起、

榮光讚詞

第三十六聖詠

一 毋妬奸惡者，亦毋嫉犯罪者，蓋伊等如草，將被刈，如青草
 二 將萎，當冀於主而行善，處於地而守真理，爾喜悅於主，而
 三 伊將滿爾衷所願者，以爾之途付於主，且倚恃之，而伊必
 四 成之，必著顯爾之義德如光，標爾之真實如午日，爾當歸
 五 服主而恃之，毋妬奸惡之人，其謀有順適者，須息爾之怒
 六 遺爾之憾，毋妬伊等，致自為惡，蓋為惡者必見絕，惟恃主
 七 者，將得土，不久惡者當亡，爾觀其所即無矣，其謙遜者，則
 八 將嗣土，而極享太平，惡人謀攻義人而切齒，主哂之，因見
 九 其日將屆矣，諸惡人掣劍張弓，欲摧仆苦及貧者，而刺貫
 十 行正道者，其劍反自刺其心，其弓必為斷折，義者雖少，乃
 十一 勝惡者之富，蓋惡者之筋必為斷折，其義者，主扶持之主
 十二 知諸無罪者之日，而其嗣業將永存，其於患難之時，弗至
 十三 被羞於饑餓之日，將獲飽飫，罪人必滅，主之仇讐，如羔之
 十四 脂膏消滅，將潰散於煙氣，惡者借貸而不償，其義者則矜
 十五 憐且施予，蓋受伊之祝者，將得土，其為伊所詛者，將夷滅
 十六 主定斯人之足，而樂其所行之途，將躡而弗致顛仆，因主
 十七 以手扶之，我自年幼今至老，未曾見義者被擲，而其後嗣

其日將屆矣，諸惡人掣劍張弓，欲摧仆苦及貧者，而刺貫
 行正道者，其劍反自刺其心，其弓必為斷折，義者雖少，乃
 勝惡者之富，蓋惡者之筋必為斷折，其義者，主扶持之主
 知諸無罪者之日，而其嗣業將永存，其於患難之時，弗至
 被羞於饑餓之日，將獲飽飫，罪人必滅，主之仇讐，如羔之
 脂膏消滅，將潰散於煙氣，惡者借貸而不償，其義者則矜
 憐且施予，蓋受伊之祝者，將得土，其為伊所詛者，將夷滅
 主定斯人之足，而樂其所行之途，將躡而弗致顛仆，因主
 以手扶之，我自年幼今至老，未曾見義者被擲，而其後嗣

丐食義者比日矜憐且借予、而其後嗣將受福、爾當避惡
三六
 行善、卽永生、蓋主愛公義、而不遺其聖人、伊等永被護、其
三六
 惡者被逐出、而其後嗣將滅絕、諸義者將得土、而永居之、
三六
 義人之口出智慧、其舌談公義、伊以天主之法、存於其心、
三三
 而其足弗至搖撼、惡人窺伺義者、而欲殺之、但主不付之
三四
 於其手、而於審判伊之時、不治以罪、爾宜恃於主、守其道、
三五
 伊將升舉爾、使爾嗣土、其惡者見絕時、爾將見之、我曾見
三六
 惡者之威大、漫廣如根深之茂樹、彼一過卽亡、我尋之而
三七
 不得、爾當觀純潔者、視公義者、蓋似此之人、其結局必安

三八
 平其惡者將盡被滅、無道者之結局、係滅絕、義者之救由
三九
 主而來、於其患難時、主係其保障、主將助之救之、主將護
四十
 之、於諸惡中以救之、因伊等依賴主、

榮光讚詞

第六分

第三十七聖詠

四一
 主歟、毋以爾赫怒而責我、毋以爾恚而罰我、因爾之矢、刺
四二
 入我體、爾之手、重壓我身、因以爾之怒、我肉軀無一完全
四三
 之處、以我之犯罪、我骸內弗安、蓋我罪踰我首、如重任壓

我、以、我、之、狂、妄、我、瘍、腐、而、臭、矣、我、身、已、屈、我、體、極、曲、終、日、
 憂、患、而、行、蓋、我、之、腰、以、火、充、溢、而、我、肉、軀、無、一、完、全、之、處、
 我、疲、而、憊、極、呼、號、因、心、綻、裂、主、歎、我、諸、願、於、爾、前、我、歎、弗、
 能、掩、蔽、於、爾、我、心、踊、躍、我、力、遺、去、我、而、併、我、目、之、光、亦、無、
 我、親、朋、以、我、之、傷、離、避、之、且、我、之、親、遠、立、其、覓、我、靈、者、設、
 網、欲、我、受、害、者、談、我、傷、亡、而、每、日、思、謀、計、然、我、似、聾、而、弗、
 聞、似、不、啟、口、之、啞、者、是、以、我、作、為、如、無、聞、者、如、口、無、可、辯、
 者、主、歎、蓋、我、仰、望、爾、我、主、天、主、歎、爾、必、聽、我、我、曾、言、仇、敵、
 毋、勝、我、我、足、欲、動、時、伊、等、於、我、自、誇、大、我、幾、欲、顛、仆、而、我、

憂、常、在、我、前、我、承、認、我、無、道、為、我、罪、而、痛、悔、其、我、之、仇、敵、
 生、存、而、愈、強、無、故、疾、我、者、益、多、其、以、惡、報、我、之、善、者、緣、我、
 循、善、道、而、為、仇、敵、主、我、天、主、歎、毋、遺、我、毋、違、我、救、我、之、主、
 歎、速、至、而、佑、助、我、

第三十八聖詠

我、曾、自、言、我、欲、戒、慎、於、我、諸、途、不、致、因、舌、而、犯、罪、惡、者、在、
 我、前、時、我、定、籍、閉、己、口、我、曾、為、啞、而、不、語、即、良、善、我、亦、弗、
 言、而、我、憂、發、動、我、心、於、我、體、中、發、燄、而、於、我、意、中、起、火、我、
 遂、以、舌、始、云、主、歎、求、告、我、以、我、命、之、終、期、及、我、日、之、數、若、

何俾我知我生命係何如^六主歟爾昇我之日不過一握而
 我之一生於爾前如無有誠哉凡人生皆為虛幻誠哉人^七
 行走如虛影徒為皇皇空歛積不知被誰所獲我今尚何^八
 冀望我之冀望惟於爾求爾脫我於我諸罪中而毋使我^九
 為愚妄者所恥悔我成為啞者不啟我口因爾曾如是行^十
 祈爾去爾之霹擊於我因爾所擊之手我幾乎亡倘爾以^{十一}
 責罰治人之罪其美形當如蠹所蛀而壞散人皆虛幻如^{十二}
 是祈主納我之禱聆我之呼籲視我之淚毋默因我係旅^{十三}
 客於爾前亦如我之諸祖祈爾稍寬離我使我逝世及沒^{十四}
 之先可以安養

第三十九聖詠

我曾切切冀望主而伊即側俯於我而聆納我之號籲提^一
 我於可畏之深壑出之泥淖而置我足於磐石堅我之步^二
 履置我口以新歌為讚美我儕之天主眾將見而敬畏之^三
 且將冀望於主賴主弗向於驕傲者及偏從虛妄者其人^四
 誠為福主我之天主爾所行之事甚多孰克比於爾我本^五
 願傳述爾之奇蹟及向我所記念者而其數不可勝計爾^六
 已不願祭祀及獻禮爾已啟我之耳全燔及潔罪之祭亦^七

爾所弗欲時我言云我至書卷中有為我所紀云我之天
 主歟我欲遵爾之命爾之法存於我心我曾宣揚爾之公
 義於大會中而不禁我口主知之爾之公義我曾不秘之
 於我衷爾之誠信及救恩我曾傳揚而不秘爾之恩惠及
 真實於大會中主歟毋吝爾之恩慈於我願爾之恩惠真
 實常護我蓋無數災難已環我我罪已至我躬致使我弗
 能見及甚至多於我首之髮而我心已離我矣主歟恩救
 我主歟速助佑我其求滅我靈者願其蒙羞而被恥欲害
 我者願其被祛而受辱凡向我言者嘻嘻願其以被辱而
 敗壞十七凡尋求爾者願其歡樂於爾其悅爾之救者願其常
 言主實為大我乃貧苦然主願念於我爾係我之佑助而
 救我者我之天主毋遲

榮光讚詞

第四十聖詠

憐顧貧乏者其人誠為福主於其患難時將救之主將護
 之保其生命其在地必獲福爾必不付之使其仇敵稱願
 其臥病於榻時主必健之其病時爾將其榻改整之我曾
 言主歟憐憫我醫我靈因我獲罪於爾我之仇敵以惡言

及我曰其何時將亡而其名滅乎七若有人來見我則必為
 妄言其衷懷不義出於外即議之疾我者皆相接耳議我
 交謀欲陷害我九韋利阿之言已至其身伊仆而不能復起
 至與我和睦之人為我所倚恃者食我餐者亦舉足於我
 天主歎憐憫我新建我而我將報復之二以此我知爾係眷
 顧我苟我仇敵弗勝我而爾將保全我及置我於爾面前
 直至世世四主伊斯喇伊泐之天主實當受讚美永世無盡
 阿民阿民

第四十一 聖詠

天主歎我靈慕向爾如鹿覓溪水我靈渴於勇健常生之
 天主我何時可至而朝于天主面前人每日向我言爾之
 天主何在時我晝夜中即以淚為食五一念及我曾行於
 大眾中同進天主之室偕慶賀之會歡樂讚榮聲時今即
 流現我靈我靈何為憂悶何為惶擾爾當倚望天主因我
 仍將讚揚救我者我之天主我靈憂悶於我故我憶爾於
 岳兒達尼之地及耶兒孟撮阿兒之山以爾諸瀑布之聲
 淵招至淵爾之諸水爾之諸波皆過我下晝則主將施恩
 夜則我歌頌於伊禱於我生命之天主我將告於護我之

天主何為忘我我何為因仇敵之侮而抱憂以行仇敵侮
 我如擊折我骸而每日向我曰爾天主何在我靈何為憂
 悶何為惶擾爾當倚望天主因我仍將讚揚救我者我之
 天主

第四十二聖詠

天主歟祈審判我伸理我訟詞於惡民救我於詭詐及無
 義之人蓋爾乃堅固我之天主何為棄我我何為因仇敵
 之侮而抱憂以行發爾之光及爾之真實使其引我導至
 爾之聖山及爾之所居我將就天主之祭壇至我歡樂之

天主我之天主歟時我將以琴讚美爾我靈何為憂悶何
 為惶擾爾當倚望天主因我仍將讚揚救我者我之天主

榮光讚詞

第四十三聖詠

天主歟我儕以已耳聞之即我儕之祖父傳述於我以爾
 所行之事於伊等之日即於古時以爾手曾滅異邦而建
 我祖父痛折列國而逐之蓋伊等非以已之劍得土亦非
 以已之臂被救乃爾之右手及爾之臂及爾面之光因爾
 眷顧之天主我之君歟爾仍係如前者賜救於亞闢烏我

儕借爾將以角抵損我儕之仇敵，賴爾之名將蹴攻我者，
七蓋我非我之弓是賴，非我之劍將救我，乃爾將救我儕於
 我仇敵，而使疾我者承羞，九我將日日自榮以天主，永稱揚
 爾之名，十乃爾已棄我儕，已辱我儕，而弗借我兵共出，使我
 儕退卻於仇敵，而疾我者劫奪之，十一爾使我儕如羊然，以食
 之，而散我儕於異邦，爾曾無利賣爾之民，而弗增其價，十二爾
 付我儕被鄰家所侮辱，為環我者所謗所戲，十三以我儕使異
 邦人，以我為諺語，使異民為我搖首，十四每日我之恥辱于我
十五前，因侮我訾我者之聲，因敵我仇我者之目，而愧恥蒙于
十六

十七我面，此皆臨我儕矣，而我儕乃弗遺忘爾，亦弗踰爾之誠
十八約，我儕之心，未曾背却，我儕之步，未曾離爾之途，十九於爾擊
 傷我儕在諸龍之區，蔽我儕以死之蔭之時，二十我儕若忘我
二十一天主之名，或舒手向他主，天主豈弗究此，蓋伊知心之隱，
二十二因爾我儕日被殺，視我儕如備屠之羊，主歟，起，何為寢，毋
二十三永棄，何為蔽爾之面，而忘我儕之艱苦，及我儕之窘迫，蓋
二十四我儕之靈，抑伏於塵，我儕之腸，貼於地，起歟，佑助我儕，而
二十五以爾恩救我儕，
二十六

第四十四聖詠

我心涌發良言我曰我所歌係君我舌似迅書者之筆爾

較諸人子為極美者自爾之口涌溢恩以此天主祝福予

爾至永遠勇毅者爾以劍及爾之光榮及美麗佩於胯以

此莊嚴速往乘車為真理謙遜及公義之故爾之右手教

爾以奇妙之事勇毅者爾箭犀利異邦將降伏於爾前而

此箭直中君仇敵之心竅天主爾寶位直至永遠爾國之

權柄係正直之權柄爾曾好善而惡惡是以天主歟爾之

天主曾傳爾以歡悅之膏勝於爾侶爾衣如沒藥蘆薈肉

桂之香自象齒之殿有悅爾者諸王之女列於爾貴嬪中

后立於爾之右妝以鄂斐兒之黃金處女歟爾當聽之觀

之側爾之耳當忘爾之民及爾之父家君將慕爾之美麗

蓋伊為爾之主爾宜拜之提兒之女將攜禮物及民中之

殷富者將祈於爾面君女之榮華皆係在內其服以金為

綉衣彩服被引於君前從後有陪伴之童女引於爾面前

伊等被引以歡欣踴躍而入於君殿代爾之祖考將有爾

之諸子而爾建之為王君於普地我將使爾名萬世弗忘

是以諸邦將讚揚爾直至永遠

第四十五聖詠

天主乃我儕投避之處及能力當憂難之時速來佑助者
是以雖地震雖山動移於海中我儕將弗懼任使伊等之
波浪發洪聲騰涌任使因此而山岳撼搖河流使天主之
城悅樂卽至上者之聖居天主在其中其必弗能搖撼天
主定早佑助之列邦振蕩諸國撼搖至上者一發聲而地
卽消潰萬天軍之主偕我儕亞闊烏之天主護保我儕試
來觀主之諸事卽其在地所行之災罰其止息戰征直至
地極折弓斷矛以火焚兵車爾等且止而識我係天主我
於列邦中必獲敬崇於地亦有敬崇萬天軍之主偕我儕

亞闊烏之天主護保我儕

榮光讚詞

第七分

第四十六聖詠

萬民皆當拍掌呼籲於天主以歡樂之聲蓋至上之主乃
係威嚴乃係普地之大君其以異民降於我儕以諸外族
服於我之足下伊爲我儕選嗣業卽其所愛之亞闊烏之
榮光天主偕歡呼之聲而上升主偕角聲而升當歌頌我
儕之天主歌頌兮歌頌我儕之君歌頌兮蓋天主乃普地

之君宜以智慧讚頌之、天主為君子列國、天主坐其聖寶
座、列邦之君皆聚集于阿烏喇阿木之天主所屬之民、蓋
地之盾屬天主、伊乃舉之其上、

第四十七聖詠

主係至大、宜受讚揚于我儕、天主之城于伊之聖山、錫汶
山係美陵、乃普地之喜樂、其山陰係大君之城、天主于伊
之居處顯其為護、蓋諸王會集而過、見之而驚異、心擾亂
而遁、伊等戰兢、受苦如產婦、爾以東風、壞發兒錫斯之舟、
我儕如昔所聞者、今則得見之于天軍之主之城、即我儕

天主之城、天主將起而堅固之、至永遠、天主歟、我儕思爾
思於爾之堂中、天主歟、如爾之名讚美、直至地極、爾之右
手滿以公義、主歟、因爾之公判、錫汶山宜歡欣、伊烏登亞
之女當喜樂、爾曹宜環錫汶山而周行、數其譙樓、思其雉
堞、觀其宮室、為可述之於後代、蓋此天主、乃我儕之天主、
直至永遠、伊將導我等至終、

第四十八聖詠

萬民皆宜聽之、天下所居者皆宜聆之、無論貴賤貧富者、
我口將發慧言、我衷出明智、我將側我之耳聽譬喻、我將

以琴嘶我之隱語我遇患難而我途之惡將環我時我有
 何懼云爾儕恃己之力誇其財多者歟人弗能救其弟兄
 亦弗能贖之於天主因贖其靈之價實貴人常存於地而
 永不見墳曠者決未之有人人皆見彼智者必亡愚者及
 昧心者亦滅而遺貨財予他人伊等思其家永存其宅留
 於世世而稱其田以己之名但人於榮華不能常存將類
 常亡之畜此道係伊等之愚妄雖在其後者亦然之伊如
 羣羊被錮於地獄而死將牧之詰且義者將主之其力將
 消而其居係墓惟天主接納我時將救脫我靈於地獄之

權或有人日殷富其家倍增榮華而爾毋疑慮蓋其亡時
 俱弗能攜帶之而其榮華亦弗能隨之雖其於生存時自
 誇其靈而人見爾受用誇讚爾但伊必歸至其祖父永不
 見光之處人於榮華而愚者將類常亡之畜

榮光讚詞

第四十九聖詠

萬主之天主主宰發言召地從日出處直至入處天主自
 錫汶即至美之錫汶而顯我儕之天主臨至而非靜默其
 前有火燬燼其四周有烈風伊自上呼天及地為審判其

民謂夫宜集我之聖人、卽藉祭與我盟約者、諸天將傳揚
 其公義、因折獄者乃天主、我民歟、宜聽之、伊斯喇伊泐歟、
 我欲言須聽、欲證質於爾、我乃天主、卽係爾之天主、我非
 因爾之祭祀而譴爾、蓋爾之全燔常在我面前、我不欲取
 犢牛於爾之家、或山羊於爾之院、蓋林中之諸獸、干山之
 諸牲、皆屬我、我知山之諸禽、曠野之獸、亦在我前、我或饑
 弗告爾、因世界及其中所載者、俱屬我、我豈食牡牛之肉、
 或飲山羊之血、爾宜以讚頌獻於天主、以誓願償於至上
 者、爾於憂患時、宜祈我、而我必救拔爾、以此、爾將讚榮我、

天主向罪人曰、爾何爲、傳我之法律、抑置我之誠約于爾
 口中乎、而自疾我之教命、且以我言棄于爾背後、爾遇賊
 則與之相合、且遇奸邪、則與之偕、爾啟口出誣言、爾舌結
 詭詐、爾坐而讒毀爾之弟兄、亦謗爾妣之子、爾旣行此、我
 曾緘默、爾則意我亦與爾同、我將罰爾、指陳爾罪、置于爾
 目前、凡忘天主者、宜悟此、否則恐我抉奪爾曹、而無人能
 救、以讚頌獻于我者、係敬我之人、謹慎其道者、我將示以
 主之救、

第五十聖詠

天主歟、因爾大仁慈矜憐我、以大憐惠、刪除我諸愆尤、屢
 洗濯我於愆尤、潔我於罪、因我認己之諸愆尤、而我罪惡
 常在我目前、我獲罪獨於爾、行惡於爾目前、致爾所擬係
 至確、及爾審判係至公、乃我被孕于罪、而我母生我亦于
 罪、爾所曾愛乃心之真實、而爾於我衷顯智慧于我、今求
 灑我以淨香草、則我將被潔、濯我則我白于雪、許我聞喜
 樂、則爾所折之骸將踴躍、轉爾至于我諸罪、刪除我諸愆
 尤、天主歟、造潔淨心於我內、復新正氣于我衷、毋屏我于
 爾面、毋收回爾聖神於我、以爾救我之樂還我、而以宰神

堅定我、我將教化無道者于爾之諸道、而惡者將歸于爾、
 天主救我之天主歟、赦免我血罪、而我舌將稱讚爾之仁
 義、主歟、開啟我口、而我脣將發讚揚於爾、我願獻祭、而爾
 弗願之、全燔之祭、爾亦不悅、主所享者、乃憂傷之神氣、天
 主歟、痛毀謙卑之心、爾將不輕藐、主歟、以爾寵眷垂恩惠
 於錫汶、而建耶嚙薩利木城堞、時爾乃將忻悅、公義之祀
 祭獻全燔、其時人將置諸犢於爾祭壇、

榮光讚詞

第五十一聖詠

有能力者歟、何為以兇惡自誇張、天主之恩常借我、爾舌
 計陷害、詭詐者歟、爾舌如薙刀之利、爾喜惡逾於善、樂誑
 言越於真實、^六舌者歟、爾喜諸陷害之談、^七以此、天主將敗
 壞爾至極、^八爾及刪除爾於爾之居宅、^九抉去爾根、於生活
 者之地、^八義者將見之而懼、而笑之云、^九此人非以天主為己
 之力、乃恃己之殷富、而堅固於惡、^十至我乃如青橄欖樹、於
 天主之殿中、我倚天主之恩慈、永無窮、^{十一}因爾所作、我當永
 稱揚爾、我將冀望爾之名、因其善於聖人之前、

第五十二聖詠

愚悞者、^二心謂無天主、伊等心壞矣、已行可惡之事、無一為
 善者、^三天主自天俯觀人子、為察其中有認識及覓求天主
 者否、^四乃皆偏歧、路均朽敗、無行善者、^五即一亦無、^五凡作惡者、
 吞我民如餌者、弗祈求天主者、豈皆不明悟、^六無可懼之處、
 伊等皆懷驚、因天主將折散攻爾者之骸、爾將使伊等致
 羞、^七因天主已棄之矣、^七孰自錫汶而賜救于伊斯喇伊泐人、
 天主救回被擄之民時、亞闢烏將歡欣、伊斯喇伊泐人亦
 將快樂、

第五十三聖詠

天主歟、以爾之名救我、以爾之力伸理我、天主歟、聽我之
 禱、聆我口所言、^五因外人起而攻我、強暴者覓我靈、而伊等
 不置天主于其面前、^六斯乃天主佑助我、主扶持我靈、伊將
 報我仇敵之惡、求以爾之公義滅之、^八天主歟、我將盡心獻祭
 于爾、將稱揚爾之名、^九因其係美善、因爾曾救我于諸患難、
 而我目見我之諸仇敵、

第五十四聖詠

天主歟、聽我之祈、毋蔽面于我之禱、^三聆我聽我、我于憂愁
 而呻吟、^四因仇敵之聲、及惡者之逼迫、而惶擾、因伊等以諸

惡誣我、及以忿憾而逆我、^五我心搖動于我衷、臨死之懼已
 踞我、^六驚駭至我、畏懼纏我、我曾言、孰或予我鴿翼、我即飛
 騰、而獲平安、^八遠趨而處于曠野、速避旋風及烈風、求主潰
 亂伊等、而變分其舌、^九因我見強脅、及爭競于城內、伊等晝
 夜環行于城上、^{十一}而其中有毒惡禍亂、殘害在其中、誑騙詭
 詐、弗離其衢市、^{十三}非若仇敵詈我、我則忍耐之、非若嫉恨我
 者誇勝于我、我則避藏之、^{十四}然爾乃與我同者、為我友朋、係
 我親契、^{十五}與我常談心者、偕我同登天主堂者、願死至伊等、
 願其生墜于地獄、因諸惡在其宅、于其中間、^{十七}至我將呼籲

天主而主將救我，晨昏及午，我將祈禱及呼籲，而伊將聞
 我之聲，而將救我靈于攻我者，而付平安，因伊等實多，天
 主將聽之，諸世前在者壓伏之，因伊等不悔改，而不畏天
 主，伊等伸手與其和睦者，已爽其約，其口滑稽于膏，而其
 心銜恨，其脣柔如油，而係白刃，以爾憂慮，當付托于天主，
 而伊將扶持爾，伊終不致正直者搖撼，天主歟，爾將墜之
 于敗壞之阱，兇暴行詐者，不獲及半生，而我倚望于爾。

榮光讚詞

第八分

第五十五聖詠

天主歟，矜憐我，蓋人欲啖我，每日攻我，且逼迫我，至上者
 歟，我眾仇敵，每日覓啖我，蓋攻我者眾，我懼時，惟倚賴爾，
 我以天主之故，欲稱譽其言，我倚恃天主，是以弗懼，肉軀
 其如我何，伊等每日變易我言，其所思皆乃害我者，伊等
 集聚暗覆，及視我之步趨，為捉我之靈，豈伊等將脫於惡報，
 天主歟，以爾之怒降仆諸民，我之流離，爾曾數之，我淚納
 于爾之瓶，豈未書于爾之冊，我呼籲于爾時，我諸仇敵，即
 退返，以此我知天主貼于我，我以天主之故，欲稱譽其言。

以主之故、欲稱譽其言、我倚恃天主、是以弗懼、人其如我、
何、^{十三}天主歟、我之諸願設于爾者、我當償、我將獻讚美于爾、
^{十四}因爾曾救我之靈于死、拭我目之淚、護我弗失足、爲我于
生活之光內、行走于天主前、

第五十六聖詠

天主歟、矜憐我、矜憐我、^二因我靈倚望於爾、我將蔽於爾之
翼蔭、以待患難之過、^三我將呼籲於無上之天主、於施恩於
我之天主、^四伊自天將佑我、而救之、將恥覓啖我者、天主將
施恩及誠實、^五我靈於諸獅中間、我臥於噴火焰者中、人子

之中、其齒如矛矢、而其舌如利劍者、願天主升於諸天之
上、而爾之榮光滿於普地、伊等曾設網羅、爲我之足、而我
靈受困、曾掘陷阱於我前、而已墜落其中、^六我心已定、天主
歟、我心已定矣、我將歌且頌、^七我之讚揚當始、我之琴瑟當
作、我將早起、^八天主歟、我將讚頌爾於萬民中、歌頌爾於異邦
間、^九蓋爾之恩高於天、爾之真實、至於雲表、願天主升於諸
天之上、而爾之榮光滿於普地、

第五十七聖詠

理刑者、爾曹談論誠係真實乎、人之子孫、爾曹審判誠係

公義乎、但爾曹心中、乃思謀於惡、以爾手於地之暴虐、置
 於權衡、惡者自生時、卽離道、自母妊中卽昏迷、而妄言、伊
 等之毒、似蛇毒、似龍蛇之塞耳、弗聽、妙術者之聲、卽絕妙
 咒術者之聲、亦弗聽、天主歎、祈折其口之齒、主歎、壞諸獅
 之頰、願伊等被滅如瀉水、曳滿發矢時、令其如被折者、願
 令其滅、如銷化之蝸牛、弗獲見日如婦滑胎之子、伊等之
 釜、於棘薪未炊熟之先、願其被旋風吹散之、義者、見其受
 報、將歡欣、將濯其足以惡者之血、時人將云、義者誠有果
 報、地上誠有天主行審判、

榮光讚詞

第五十八聖詠

我之天主歎、救脫我於我之仇敵、護我於攻我者、脫我於
 行惡者、救我於血暴者、蓋伊等窺伺我靈、主歎、強悍者集
 聚欲攻我、非因我之愆、尤並非爲我之罪、我雖無辜、伊等
 趨集武備、祈爾作而佑我、試觀之主歎、天軍之主、伊斯喇
 伊泐之天主歎、願主悟起、而臨治萬邦之民、毋怨一無道
 逆惡者、伊等暮歸、號如犬、環城而行、茲伊以舌吐毀謗、其
 口含劍、思孰能聽之主歎、爾乃將晒之、將愧彼萬邦、力屬

伊等我乃歸服爾、因天主乃我之護佑、我之天主施恩於
我者、將先我、天主使我見我之仇敵、毋殺之、恐我民忘之、
主歟、我等之保護、以爾之能力、離散之、降抑之、其口之言、
係其口之罪、因伊詛詈及妄言、願其以驕傲自被拘、求以
怒離散之、以致消無、使其知天主統轄亞闊烏直至地極、
願伊等暮歸、號如犬、環城而行、往來欲求食、而枵腹終夜、
至我將歌頌爾之權能、自清晨宣揚爾之恩、蓋爾于我患
難時、曾爲我之護佑、投避處、我之力、我將讚頌之、蓋天主
乃我之護佑、施恩於我之天主、

第五十九聖詠

天主歟、爾曾離棄我、儕敗壞之、而發怒、求爾轉向于我、儕
爾曾震地而壞之、祈補之、蓋因地搖動、爾曾嘗爾民以苦、
飲我儕以驚惶之酒、求爾賜旗幡于畏爾者、使其爲眞理
樹之、使爾親愛者獲救、以爾右手、救而聽我、天主于聖所
言曰、我將獲勝、分錫叶木、而度量莎克、豁福之谷、噶刺阿
德屬我、瑪納錫阿亦屬我、耶福咧木、乃我首之堅固、伊屋
達乃我之權衡、摩阿烏爲我之浴桶、我將舒我鞵於耶鐸
木于斐利斯提木地、爾可歡籲于我、孰將引我進鞏固之

城誰能導我至耶鐸木豈非天主乎十三會棄我而今不借我
 兵共出者乎十四祈賜助我等于狹難中蓋因人之護佑乃虛
 枉者倘借天主則我儕將顯氣力伊必降抑我儕之仇敵十五

第六十聖詠

天主歟聆我之呼籲聽我之所禱我以衷之憂傷自地極
 呼籲于爾引我升我所弗克至之磐石因爾係我之投避
 處防仇敵之堅固保障願我常居于爾之處所而安于爾
 翼下之蔭庇因爾天主會聞我所許之願而賜我以懼爾
 名之嗣業求爾增加君之日延其年于世世願其永存于七
六
五
四
三
二

天主面前使恩及真實護佑之是以我將頌爾名至永世
 而日日將滿我之願

榮光讚詞

第六十一聖詠

我靈獨於天主而安我之救自伊而獲獨伊係我之堅固
 獨係我之救及投歸處我即不復動搖爾曹逼迫人將至
 何時爾曹皆將仆之如傾欹之牆及頽垣伊等惟計謀以
 彼自高而擲下用詭詐以口讚美而心中詛詈我靈獨於
 天主而安因我冀望惟於伊獨伊係我之堅固獨係我之
三
四
五
六
七

救及投歸處我卽將不動搖我以天主得救及榮我之能
 力我之冀望乃於天主九民歟爾曹當常冀望伊陳爾心於
 伊前天主係我之投歸處十諸人子係輕微諸人子係虛妄
 若置之權衡則較虛空猶輕毋恃強暴毋以強掠而得意
 若貨財增益爾曹心毋置之十一天主曾一言而我乃二次聽
 之十二能力係於天主十三恩係於爾因爾依各人所行而報
 之

第六十二聖詠

主歟爾乃我之天主我自詰且尋求爾我靈渴向於爾我

肉軀於燥空無水之地憂慕爾欲瞻爾權力及爾榮威如
 先見爾於聖所四因爾之恩寵逾於生命我口將讚爾如是五
 我生存時欲頌爾以爾名揚舉我手我靈得飽飫如脂油
 而我口以歡欣之聲讚美爾七係我于榻上懷憶爾于漏下
 思念爾時八因爾係我之扶助而於爾翼下我將歡欣我靈
 貼附於爾而爾之右手扶持我十其覓害我靈者將降於地
 深處十一將被殺於利刃而爲狐所啖十二惟君將喜樂於天主凡
 托之而誓者必被矜誇因彼妄言者之口將被堵塞

第六十三聖詠

天主歟、於我所禱之時、聆我之聲、保護我生命於懼仇敵
時、^三匿我於詭詐之計謀、於兇惡之擾亂、伊等曾礪其舌如
劍、發毒言如張弓、^五欲於隱僻處、射無罪者、忽射之、而弗懼、^六
伊等定於惡意而相謀、暗設網羅、自謂孰能見之、^七伊等尋
察無道之事、屢考核直至人之衷懷、及心之深處、^八然天主
將以矢射之、而伊等忽將被傷、^九伊等以其舌自傷、凡見之
者將離避、^十眾人將懼之、傳揚天主之功、而識係伊所爲者、^{十一}
其義者、將以主而歡樂、且依賴之心正者、皆將以爲榮耀、^{十二}

榮光讚詞

第九分

第六十四聖詠

天主歟、於錫汶山、讚頌屬於爾、於耶嚕薩利木、將酬願於
爾、^三爾聆祈禱、凡血氣者歸附於爾、^四惡行壓勝於我、爾將洗
潔我等之愆、^五尤福哉、爾所選進於爾、爲居於爾之庭院中
者、我等將慶足以爾之居處、及爾聖堂之美富、^六天主救我
者、以公判可畏者、爲居地極及遠處於海之人、所冀望者、^七
以爾力建山、而爲權能所繫束者、^八平靖海濤巨浪之洪聲、^九
及諸邦之擾亂者、聽我等、居地極者、將敬畏爾之奇事、晨

昏之時、爾將命之讚揚爾、爾眷顧厥土、飲足其渴、而以豐
 盛沃之、天主之溪盈水、爾備穀糧、因其設備如此、爾灌溉
 其田渠、平其土塊、以雨滴潤柔之、而降福以發萌、爾以已
 恩冠歲、爾步履俱垂膏、卽垂於曠野之壤、而諸邱陵以喜
 樂繫束之、平原以羣牲鋪滿、田野以穀被滿之、皆歡欣而
 歌頌。

第六十五聖詠

坤輿、爾宜歡呼於天主前、歌頌其榮名、且以光榮及讚美
 歸於伊、宜向天主曰、於爾行事而威嚴何其大、因爾鴻能、

爾仇敵將降服於爾、至上者、坤輿應拜於爾、歌頌爾、歌頌

爾名、爾曹來視主之行事、乃施於人之子、係威嚴者、伊變

海為陸、人步履過河、於彼、我儕為伊而喜樂、伊以宏能永

宰之、使目鑒察諸國、使叛逆者毋自詭、諸異邦宜讚揚我

儕之天主、而傳讚於伊、伊曾保生命於我儕之靈、乃弟令

我儕之足搖失、天主曾試我儕、爾曾鍊我儕如鍛銀、爾曾

引我入於網、曾以重荷置於我儕之腰、置人於我儕之首

上、我儕曾入於火水之中、而爾解釋出我儕、我以全燔將

入於爾室、我欲償還我之願於爾、卽我艱難時、我口所發

而我舌所言者、我以肥腓之全燔、與羝羊之脂香、獻於爾前、祭獻牡牛及山羊、諸畏天主者、來聽之、我將述爾為我靈所行者、我曾親口呼籲於伊、以我舌讚揚之、若我於我心中、覺有惡、則主必不肯聽我、而天主已聽我、聆我所禱之聲、我讚頌天主、因其未拒我之禱、而弗離慈憐於我、

第六十六聖詠

天主歟、憐憫我等、降福予我等、施爾面之光照我等、令爾之途、被知於地、爾之拯救、被知於諸邦、天主歟、願諸邦讚揚爾、列邦均讚揚爾、諸邦當歡樂、因爾審判、諸邦以公義、

轉制地上之各邦、天主歟、願諸邦讚揚爾、列邦均讚揚爾、地已產其果、願天主我儕之天主、降福予我等、願天主將降福予我等、而地極敬畏之、

榮光讚詞

第六十七聖詠

願天主興起、而其仇敵將散、疾伊者、遁逃於伊之面、爾麾散伊等如散煙、願惡人滅亡於天主面前、如燭被銷融於火、其義者將歡欣喜悅於天主前、及以悅而致樂、宜歌頌我儕之天主、歌頌其名、稱揚行於諸天者、其名為主、當娛

樂於伊面前，天主於其聖堂中，乃係孤子之父，孀婦之伸
 理者，天主令孤獨者入處於家，提出諸囚于繯綫，而其悖
 逆者遺于炎野，天主歟，爾出于爾民先行時，即行于曠野
 之時，時地震至諸天，鎔于天主面前，併此錫奈山化自天
 主，即伊斯喇伊泐之天主面前，天主歟，爾曾降甘霖于爾
 嗣業，其被困時堅固之，爾之民曾居于彼中，天主歟，因爾
 大仁慈，而備所需于貧窶者，主將賜言，傳信之女甚多，諸
 興戎之王，逃之竄之，而處家之婦，分其所掠之物，爾曹分
 列于各邊如鴿，其翼布銀，其羽布精金，全能者，潰散諸王

于此地，地成白如些，泐孟之雪，天主之山，瓦散山，高大之
 山，瓦散之山，凡峻嶺，何為嫉視，天主所欲駐蹕，而主將永
 處之山，天主之戎車，盈千累萬，其中主居于錫奈聖所，爾
 曾升于高區，據彼據者，因人受獻物，使叛逆者，有可以居
 于主天主，主比日當受讚揚，天主荷我儕以重負，而自救
 之，天主乃救我儕之天主，死門係在全權，天主之掌握，天
 主將摧其仇敵之首，沉溺于罪之髮頂，主曾言，我欲由瓦
 散攜回之，由海淵提出之，使爾以爾足，併爾犬之舌，澄于
 仇敵之血，天主歟，眾曾見爾之駕行，即我天主我君之聖

駕歌頌者前行，作樂者後從，其中間童女拍鏡鉞，歌曰：爾

曹出於伊斯喇伊泐之種者，應于會中讚頌大主主宰云

彼有冲幼之汝阿明為其君，有伊屋達之諸君為其主，又

有禱烏隆之君捏發利木之君，爾天主先思賜爾以力，天

主歟，求爾為我儕所行者堅定之，為爾于耶嚕薩利木之

堂，諸王將獻禮物於爾，祈爾制葦澤之野獸，制諸牡牛，于

自詡銀錠之眾民之犢，求潰散眾好戰之民，諸卿將來自

耶吉撒突，耶斐鄂批阿將揚手向天主，地上之諸邦當歌

于天主，頌于行在諸天之天上者，伊即以其聲為宏聲，爾

儕宜榮光天主，其威嚴乃於伊斯喇伊泐之上，其能力乃

在雲上，天主歟，于爾之聖所中誠可畏，伊斯喇伊泐之天

主，以權以能賜其民，願天主受讚揚。

榮光讚詞

第六十八聖詠

天主救我，因水已至我靈，我陷于深泥中，併無安立之地，

我入于深水，而急流冲我，我倦于呼籲，我喉已枯乾，我目

以冀望我天主而勞困，無故而疾我者，多于我首之髮，我

仇敵無故欲迫我者，已强盛，使我償其所未奪者，天主知

我愚我之愆尤無隱于爾前七萬軍之主天主歟毋使冀望
 爾者因我而承羞八伊斯喇伊泐之天主歟毋使求爾者因
 我而被辱九因為爾而我受謗及以羞愧蒙我之面九為我之
 弟昆我成為路人為我母之子我成為外人十蓋我因爾室
 之熱心餽我而謗爾之諸辱乃墜落于我躬我以靈守齋十一
 而泣以此為我之辱我服以敝衣乃被人詆戲閒坐闔閭十二
 者譏評我而飲酒者以歌歌我我乃以祈禱赴主天主歟十三
 於爾悅時藉爾之鴻慈以爾施救之誠實而允我十四提我出
 泥中毋使我陷落俾我獲救于疾我者及深水毋使急流十五

沖我毋使深淵啖我毋使大壑閉口于我上十六祈主聆我因
 爾之恩寵係善以廣大之仁慈眷顧我毋覆爾面于爾之
 僕因我愁苦速聆我十七近于我靈而拯之緣我之仇敵而救
 我爾知我所受之謗及恥及侮辱而我之仇敵皆于爾面十八
 前十九凌辱裂我之心而我疲極我望憐憫者而竟無冀望安
 慰者亦終不獲二十以瞻食我于我渴時以醴飲我願伊等之
 筵為其網其平安之席為機檻二十一求使其目昏而不見使其
 腰癱至永遠二十二注爾之怒于彼使爾怒之燄包環之二十三使其宅
 成空曠而其幕無人居二十四蓋伊等窘迫爾所已擊者且于爾

所傷而受痛苦者復加之願爾於其罪加罪弗使伊等不
得稱義于爾前三九令伊等被銷于生命錄弗得偕錄於義者
間至我則窮而受苦求天主以爾之輔助而興起我我將
以歌讚我天主之名以頌稱揚之此將為主所悅逾於有
角蹄之牛及犢受苦者見此將樂尋求天主者其心當甦
因天主聆貧者而弗藐視其所囚者天地諸海及其中生
動者當讚美伊三六蓋主將救拔錫汶建伊屋達之城為其民
居之為嗣業伊僕之裔將定於彼而慕伊名者徙居之

第六十九聖詠

求天主速救我主歎速佑助我其尋求我靈者願其蒙羞
而被恥欲害我者願其被祛而受辱凡向我云嘻嘻者以
毀謗我而願其退三五凡尋求爾者願其將歡樂於爾其悅爾
之救者願其常言天主實為大我乃貧苦六祈天主急救我
主乃我之佑助而救我者我主毋遲

榮光讚詞

第十分

第七十聖詠

主歎我倚賴爾毋使我羞愧至永遠緣爾之公義救我拔

我側爾之耳於我而救之為我作歸處使我常保之爾降

旨欲救我我之保我之障乃係爾我天主歎救我脫於惡

者無道及窘迫之手天主歎爾乃我所冀望者我自幼

所倚恃者我自任娠時以爾為倚恃爾出我於母腹我將

讚美爾不息為多人我成爲怪異然爾乃我堅固之冀望

願我口滿被以讚美為我能歌爾之榮光比日頌爾之威

嚴我老時毋遺我我力衰頹時毋棄我蓋我仇敵議論我

伺我靈者彼此商議謂天主已棄之可窘拘之蓋無救應

者天主歎毋遠離我我之天主急來佑助我願仇我靈者

被愧恥而消滅謀害我者受羞恥及凌虐至我常將冀望

爾而倍加讚頌爾我口將述爾之公義我口比日將述爾

之救拔蓋我不知其數我將試思主天主之能力記憶爾

之公義即獨爾之公義天主歎爾自我幼時曾誨我而我

至今傳揚爾之奇蹟天主歎毋遺我至年邁首白迨我宣

爾之能力於此代及爾之權能於後世天主歎爾之公義

至極高爾已行大事天主歎孰堪比之爾以眾厲之苦難

會加於我然會每魁我復屢出我於地之深壑爾曾舉我

安慰我出我於地之深壑天主歎我將以琴頌美爾伊斯

喇伊泐之聖者我將以琴歌頌爾之眞實我歌頌爾時我
 口及爾所贖之我靈併大悅而我舌比日將傳揚爾之公
 義因謀害我者被恥受辱

第七十一聖詠

天主歎以爾之判斷賜於君以爾之公義賜於君之子使
 伊據公義判爾之民及審訊時判爾之貧窶者使山施太
 平於民邱陵施以公義使伊將伸民中之窮者救拔貧者
 之裔而壓暴虐者人當敬畏爾於日存月存之時直至世
 世伊將降如雨於芟草之地如雨滴潤於土其時義德者

將興旺而當有太平之盛如月之恒伊將宰制自海直至

海自大河直至地極居曠野之眾將伏於其前而其仇敵

將舐厥垢發見錫斯及居海島之王當獻貢於伊阿喇微

阿及薩瓦之君將獻禮物列王皆當拜伏於其前而眾民

均當奉事伊因伊將救貧乏者及呼籲者及無助而受窘

迫者伊將慈於貧窶者而救窮乏之靈伊將救脫伊等之

靈於詭詐強暴而其血必獲爲珍寶於其目前伊當生活

而人以阿喇微阿之金分子之恒代其祈禱而比日讚美

之於地當有穀糧之豐於山上其禾將搖動如利汪之林

而於諸城人將眾多如地之草十七伊名將受讚美至永世伊
 名將歷傳如日之永十八地上之萬族緣其名而當獲福而萬
 民將稱讚之十九天主伊斯喇伊泐之天主獨一行奇蹟者實
 宜受讚美其榮光之名實被讚美至無窮世而普地當滿
 被爾之榮光阿民阿民

榮光讚詞

第七十二聖詠

天主何嘉待伊斯喇伊泐人一即心潔者二至我則足幾傾側
 及滑三故我見惡者之安康即嫉夫狂妄者四因其至終亦未

受苦其力亦健五弗預於人之勞瘁亦弗預於人之擊六是以
 驕傲環之如項圈其強悍服之如衣七其睛因肥而暴露其
 思想憧擾於其衷八每戲詭傳謗誣之事而其言則矜誇騰九
 口於天而其舌往來於地十是以主之民亦歸附之而飲水
 以充滿之杯十一且云天主焉能知至上者有知乎十二此違理之
 輩安樂于斯世增其貨財我遂謂我豈非徒潔己心十三盥手
 于無罪中十四而比日受傷每晨被責歎我苟云我效彼言我
 則獲罪于爾十五于輩且我試思何術悟此十六而于我目前實為
 難十七迫我入天主之聖所乃知伊等之究竟爾蓋置伊等于十八

滑徑而陷之于壑中伊等敗壞以震懼滅而亡何其倏然
如已覺之夢主令其覺後消滅其幻想我心沸而我腸斷
時我爲愚蠢而無知如畜類于爾前然我常偕爾爾持我
之右手爾以爾之訓導我然後進我于榮耀于天上爲我
者爲誰而在地我偕爾別無所願我肉心俱困天主乃我
心之堅固爲我之分業至永世蓋此遠爾者被亡凡離爾
者爾滅之至我以就天主爲善我以我之冀望付於天主
主宰爲于錫汶女闔閣內傳宣爾之諸事

第七十三聖詠

天主歟何以永棄我儕爾之怒發猛烈于爾草壤之羊求
爾記念爾自古所獲之會爾所贖爲爾之嗣業卽爾所占
駐之錫汶山動爾趾至此世代敗壞之墟仇敵于聖所中
均拆毀爾仇敵魚休于爾之諸會換我儕之旗幟而樹伊
旗幟以爲己記號顯出如高舉斧斤而欲砍樹之交枝者
且今彼以斧以鉞盡毀其雕刻之工以爾之聖所付于火
而污穢爾名之宅其心謂當盡壞其人遂焚天主之諸會
于地上今我儕不復見我儕之異兆併無先知者我儕中
無一知者將至何時天主歟仇之謗將至何時豈敵將永

毀爾名乎爾胡為掣爾手十一即爾之右手求爾自爾懷中消滅伊等十二天主我自古之君歟十三施救拔于地中者爾以爾力曾擘海會斷折蛇首于水中十四爾會擊碎鱷魚之首而于耶斐鄂批阿曠野人為食十五爾會擊出水及溪而竭諸旺河十六屬爾夜亦屬爾爾會施諸曜及日十七爾會定普地之各界而設冬夏十八祈爾計念之仇敵謗主而狂民毀爾名十九毋以爾斑鳩之靈投于野獸永毋忘爾貧窮之會二十願爾之約因地之諸暗處充滿以強橫之宅二十一毋令受窘迫者承羞而回乃願困苦及貧窶者稱頌爾名二十二求天主起而護庇爾之事記念

狂人比日之毀謗爾二十三毋忘爾仇敵之喧聲逆爾之譁擾二十四高二十五盛不絕

榮光讚詞

第七十四聖詠

天主歟一我儕讚頌爾復讚頌二蓋爾名不遠以爾之諸奇跡所宣三我擇示而以公義為審判地四及居民均搖撼而我將建其柱五我向妄狂者言毋妄狂六向違理者言毋舉爾角七毋高舉爾角八毋強項論天主九蓋興盛非自東非自西亦非自曠野而來十乃天主為審判升彼抑此十一因爵係于主之手十二雜十三

攪之酒沸于內，而伊注之地之眾惡者，并其麴糟醱而飲之。我則將永傳揚，而歌頌亞闊烏之天主。我將斷諸惡者之角，而義者之角將被高舉。

第七十五聖詠

天主于伊烏叠亞為其所識，于伊斯喇伊泐其名實大。其會處于薩利木，居於錫汶於彼。伊斷折弓矢盾劍及戰等，爾係光榮能力，逾于掠劫之山。心剛者已被擄而酣眠之，其壯夫措手不及。亞闊烏之天主，因爾威嚇，車馬皆困倦。爾係可畏者，爾發怒時，孰能立爾面前。爾自天降示審判。

天主興起施審判時，為救於地受逼迫者，地即懼而安靜。其人之怒將易，而讚稱爾。其怒之餘，爾將制之。爾曹宜發願，而償之於爾主天主。其四圍之人，當獻禮物于可畏者。伊制諸王之氣，於諸地之君，係可畏者。

第七十六聖詠

我聲向天主，而我當呼籲之。我聲向天主，而伊將聆之。我于憂愁之日尋主，宵間我舉手不下，我靈弗願受安慰。我記念天主而戰悚，我思想之而我靈困乏。爾弗令我合目，我顛動而弗能言。我思念昔日，及往世之年。我宵間憶念

我之歌頌，我于思想，我靈省察云：主永棄之乎，不復加
以眷顧乎？其恩惠永止息乎？其言廢于世世乎？豈天主忘
施恩乎？以愠怒而閉仁慈乎？我即謂我憂患，乃至上者之
右手變易，我將念主之事，憶爾古時之奇蹟，我將審思爾
之所爲，而憶念爾之大事。天主歟，主之途係聖，何主能如
我儕。天主之大，爾係天主，行奇蹟者，爾于萬民中，曾顯爾
之全能。爾以爾之肱，曾救爾民，乃亞闢烏及伊鄂錫福之
裔。天主歟，諸水曾見爾，見之而懼，淵亦震動，雲曾注水，烏
雲發雷，而爾之矢橫飛，爾雷之聲响，在圓穹之內，電光曾

耀普世，地則動且震，爾之途在海，爾之徑在諸洪水，而爾
之蹟不可測。爾曾以摩些阿阿隆之手，導爾民如羊羣。

榮光讚詞

第十一分

第七十七聖詠

我民聽我之道，側爾耳聆我口之言，我將啟口喻言，述古
謎語，我等所聞所知，及我列父所傳於我等者，我等將弗
隱於其子孫，乃以主之光榮，及伊權能，併其所行之奇蹟，
皆傳宣於後世。已立誠約於亞闢烏，置法律於伊斯喇伊

泐使我列父傳之於子孫，令來世卽伊將生之子，可以識
 此而傳之於其子女，為使伊等，以冀望付於天主，弗忘天
 主所為，而遵守伊之誠命，不效其列父，抗違叛逆之輩，居
 心不正，弗以其靈忠於天主者，耶福喇木之裔，服執甲械
 而拽弓者，於戰日乃退，弗遵守天主之誠約，弗肯行於伊
 之法律，忘伊所為，及所示伊等之奇蹟，伊曾行奇蹟於伊
 等列父目前，於耶吉撒突地撮按之野，擘分海水，引之行
 過，使水立如壁然，晝則以雲導之，徹夜則以火光導之，劈
 石於野，飲之如於大淵然，出流水自磐石，而水湧如河然，

伊等仍行罪於伊前，愠至上者於曠野，心中曾嘗試天主
 為求食，以遂己之貪性，誘天主云，豈天主能肆筵於曠野
 乎，伊既擊石而水流泉湧，今猶能以餌供乎，能為斯民備
 肉乎，主聞之，赫怒，有火焚於亞闊烏，動怒於伊斯喇伊泐，
 因伊等不信天主，弗倚望伊之救拔，伊乃命上雲啟闔闔，
 而瞞納為伊等之食，以天糧供伊等人，卽食天神之食，供
 伊等糧，以至飽足，伊起東風於天，以己能力引南風至，而
 以肉降於伊等如塵，降飛鳥如海沙然，墜之於伊等之營
 中，近伊等之居處，伊等遂食而饜足，是伊以伊等所願者

予之伊等之貪未畢其食尙在其口而天主之怒卽至戮其胖健者敗壞伊斯喇伊泐之年少者雖然而伊等仍犯罪弗服伊之奇蹟是以伊令伊等終其日於空虛卒其歲於驚惶伊戮伊等時伊等尋伊而回歸且早起覓天主記憶天主乃伊等之歸處至上天主乃伊等之救主第伊等以其口誥語以其舌妄言於伊前然伊等之心未曾正直於伊前而不誠於伊之誠約惟伊乃慈憐者曾赦其罪而不滅之屢回其怒而不發動其忿懣伊記念伊等乃肉軀如氣去而不返伊等蓋幾次惱主在曠野犯伊在荒地伊

三三三

三三

等復試天主干犯伊斯喇伊泐之聖者伊等不記念伊手

卽救伊等脫離於窘迫之日卽施諸奇妙在耶吉撒突時

施諸蹟在撮按野時以彼江河化爲血使伊等弗能飲放

飛蠱而嘔之令蟾蜍害之以伊等地所產者付於螟蟲以

伊等所勞力者付於蝗以雹擊壞其葡萄樹以冰霜壞其

無花果樹以伊等之畜付於雹以伊等之牧羣付於電以

發怒之火降於伊等及忿惱併難且遣惡神修平爲施已

怒之途不保其靈於死而付伊等牲畜於瘟疫擊耶吉撒

突首生者卽於哈木幕中產生之基乃率其民如羊在野

導之如牧羣，導之以平安，而伊等無懼，其仇敵以海水覆
 之，導之至己之聖域，至此山，乃伊右手所獲者，遂逐列邦
 於其民面前，分其地為伊等之嗣業，按伊斯喇伊泐各支
 派，居其幕中，然伊等猶試至上之天主，而憂惱之，及弗遵
 守其法律，離而背逆，如其祖父，退却如弓弛，以崇高干其
 怒，以偶像致其疾憾，天主聞之，乃赫怒，大憾伊斯喇伊泐，
 棄錫羅木之宅，即駐於人間之幕，以其力及光榮，付於仇
 敵手中，又以其民，付於劍刃，發怒於其嗣業，其幼壯者，以
 火被焚，其女弗能唱婚姻之歌，其司祭被仆於劍，其嫠婦

乃不能哀哭，然主乃如眠者，之已覺，如豪傑被酒而復醒，
 擊仇敵於背後，而永辱之，及棄伊鄂錫福之幕，併不選耶
 福咧木之支派，乃擇伊屋達支派，伊所愛之錫汶山，乃建
 其聖所如天，永定其基如地，選其僕達微德，携之自羊棧，
 自擠者中，引之使牧其民，至闊烏，其嗣業伊斯喇伊泐，伊
 乃牧伊等以淨心，導以賢手，

榮光讚詞

第七十八聖詠

天主歟，異邦人已入爾之嗣業，已污爾之聖堂，而以耶嚙

薩利木毀爲墟、以爾僕之尸、子飛禽爲食、以爾聖人之肉、

子地之野獸、流其血如水、於耶嚙薩利木四周、併無人葬

之、我等爲隣所恥笑、被環我者所侮謗、主歟、爾常怒我儕、

爾憾如火之烈、將至何時、求傾爾怒於不識爾之列邦、及

不籲爾名之列國、蓋伊等已墜亞闊烏、而盡壞其居處、於

我儕、毋憶我前輩之愆尤、速令爾之慈憐、迓我儕、蓋我已

窮困至極、天主救我者、藉爾名之光榮、而輔助我等、因爾

名救我、而赦我之罪、何爲許列邦人、謂伊之天主安在、願

報主僕之血仇、列邦人識之於我儕目前、願被囚者之慨

歎至爾面前、以爾臂之力、救護將死者、主歟、以我隣毀爾
之謗、七倍報之於其懷、至我儕係爾之民、乃爾草地之羊、
將永讚頌主、且傳宣爾之讚美於世世、

第七十九聖詠

二
伊斯喇伊泐之牧者、側耳聽、導伊鄂錫福之子如羊、坐於

叶嚕微木者、懇現出、勤爾之力、於耶福咧木、汶阿明及瑪

納錫阿之前、而來救我儕、天主歟、起我儕使爾面光照之、

而我儕得救、萬天軍之主、天主歟、爾怒於爾民之禱、將至

何時、爾食伊等以淚之餐、飲之以多淚、爾以我儕爲隣之

爭而我儕仇敵以我為戲笑萬軍之天主起我儕使爾面
 光照之而我儕得救爾移葡萄樹一枝自耶吉撒突逐列
 邦而植之爾為之耘地植其根而滋蔓於地諸山蒙其蔭
 其枝如天主之栢樹達其枝至海展其萌蘖至河爾胡為
 毀其藩籬至諸行路者摘之林豕扒之而田獸飼之萬軍
 之天主轉爾面自天觀鑒之而臨此葡萄護爾右手所植
 及萌蘖為已所定者其為火所焚而被消因爾面之嚇將
 滅亡願爾手覆於爾右手之人之上即爾為已所建定之
 人子之上則我儕將弗離於爾甦我儕而我儕將呼籲爾

名主萬軍之天主起我儕使爾面光照之而我儕得救

第八十聖詠

爾儕當歡歌於我儕力量之天主呼籲於亞闊烏之天主
 歌詠擊鼓撫和琴與瑟吹角於新月即我曹良晨之時所
 定之佳節日蓋此乃伊斯喇伊泐之規矩亞闊烏天主之
 則例此乃伊鄂錫福於出耶吉撒突即聞所未明之言之
 地伊乃定此為之證云我已卸其肩之重荷而其手得免
 於筐箠爾於苦難時已求我而我曾救爾我自雷中已聆
 爾而試爾於啐喇瓦之水我民聽我我將為証伊斯喇伊

第八十聖詠

三
五
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

泐歟、苟爾聽我、必不可於爾曹、別有天主、爾毋拜異邦之主、我乃爾之主、爾之天主、曾出爾自耶吉撒突者、爾開口、我將盈之、然我民弗聽我之聲、伊斯喇伊泐、未曾服我、是我縱之、任其心之抗悍、依其謀而行、我民苟聽我、伊斯喇伊泐、苟行我之途、我即迅速、抑其仇敵、轉我手於其窘迫者、則疾主者、必服事之、而伊等之福、必至永遠、我則必以嘉麥育之、以石中之密、饜足伊等、

榮光讚詞

第八十一聖詠

天主立於諸主之會、於其中判斷、謂爾曹審斷不公、反狗庇惡者、將至何時、爾曹宜於窮困及孤子、伸理、而為窘迫及貧窶者、施公義、拯救貧窶者、而提拔之於惡者之手、此輩無知、亦無明悟、行於暗中、而地之基、皆震動矣、我言爾曹為權主、爾曹均係至上者之子、第爾曹必死如諸人、將顛仆如各君、天主歟、起而審判地、因爾將繼嗣萬民、

第八十二聖詠

天主歟、毋默、毋無言、天主歟、毋寂靜、因爾之仇敵、攪擾疾爾者、昂首、出奸謀於爾之民、計議於爾所護庇者、伊等曾

言我儕往滅之於諸邦中、使伊斯喇伊泐名弗記憶、伊等
 會同心相議、結約肯爾、七即耶鐸木之屯聚、及伊斯瑪伊泐
 併摩阿烏及阿噶兒、八又碣瓦泐及阿孟及阿瑪利克及斐
 利斯提木、與提兒之人、九阿蘇兒亦附和之、盡皆為羅特子
 孫之輔助、願主行於此眾、如昔行於瑪底阿木及錫薩喇
 及亞微訥於乞斯溪之濱、十皆被滅於阿音鐸兒而為地糞、十一
 求爾播弄其諸王、如鄂喇烏、濟烏、而播弄其統帥、如捷章、十二
 及薩泐瞞等、十三因其謂我儕、可踞天主之居址、十四我天主歟、願
 其塵於迴風、如枯草之於風、十五如火焚林、如燄烈山、爾亦以
 爾之暴風逐之、以爾之迴風亂之、十六主歟、以羞辱蒙其面、使
 其尋求爾名、願其永遠被羞而擾亂、十七被辱而滅、使其知爾
 乃獨一稱主者、係普地之至上者、十八

第八十三聖詠

萬軍之主、爾所居處、何其可愛、一我靈急思進主院、我心身
 馳於生活之天主、二萬軍之主、我君我之天主、雀已獲巢、燕
 已獲窩、併置其雛於爾之壇、三其居爾室者、誠有福、伊等將
 常讚頌爾、四人恃力於爾、及心往向爾者、誠有福、伊等行過
 淚谷時、獲水泉、而甘雨覆之、五以降福、其力常增進、乃朝覲
 爾、六

天主於錫汝山九主歟萬軍之天主聽我之禱亞闊烏之天主聆我十護衛我儕之天主俛視爾所傳油者之面十一因一日在爾院勝於千日我甯願止於天主室中之檻弗願處惡者之幕十二蓋天主係日及盾主施恩寵及榮光其行於無罪者不視其善之分十三萬軍之主賴爾者誠有福

第八十四聖詠

主歟爾已轉慈憐於爾之區歸被擄之亞闊烏一僥恕爾民之諸愆尤二蓋其諸罪四去爾之赫怒除爾怒之猛烈五求救我儕之天主復立我儕絕爾向我儕之怒六豈永疾怒我儕豈

將含怒伸至世世七豈不復甦我儕不使爾民因爾而歡欣八主歟顯爾恩慈於我儕而賜救於我儕九我將聽天主主宰所示諭伊將謂平安於其民及於其所選者祇毋復其狂行十如此則主之救贖適於敬畏之者至光榮得處於我之區十一恩慈與眞理當相遇公義與和平當相懷抱十二眞理當出自地公義當降自天主十三將降福而我地將產其果十四公義將行於主之前而置足於其途

榮光讚詞

第十二分

第八十五聖詠

主歟、傾耳而聽我、因我係窮苦及貧窶、護我靈、因我誠敬
 於爾、我天主歟、救冀望爾之僕、主歟、矜憐我、因我比日呼
 籲爾、主歟、悅爾僕之靈、因我舉我心向爾、因主乃慈善及
 寬裕、加鴻慈於凡呼籲爾者、求主聽我、祝聆我禱之音、於
 憂患日、我呼籲於爾、因爾曾聆我、主歟、諸君宰中、無如爾
 者、無如爾所行者、主所造之萬民、當趨而伏拜於爾前、及
 讚榮爾名、因爾乃極大而行奇蹟、天主歟、係獨一者、主歟、
 導我於爾之途、而我將行於爾之真理、定我心於敬畏爾
 名、主我之天主、我將盡心讚頌爾、而永讚揚爾名、因大爾

恩於我、爾曾提拔我靈、於極深之地獄、天主歟、驕傲者起
 向我、強暴之黨、尋我靈、而弗置爾於其目前、然爾乃宏慈
 憐善、寬忍洪恩、及真實之天主、求俯顧我、而矜憐我、賜爾
 力於爾僕、而救爾婢之子、賜我蒙恩之證、使疾我者、見之
 而被羞、因主已助我、而安慰之、

第八十六聖詠

伊之基址在聖山、主愛錫汶之闔閭、逾於亞闊烏之諸居
 址、天主之城歟、以爾光榮之事所傳、我必諭於識我者、以
 喇阿烏及瓦微隆、以斐利斯提木人、及提兒、耶斐沃批亞

必言彼皆產於此^五以錫汶必言謂此人彼人生於茲至上者將親建立之^六主將於眾民之冊記斯人生於此^七歌樂者歟我之泉源皆在斯

第八十七聖詠

二 主救我之天主我晝呼籲爾夜亦於爾前願我之禱^三至爾面前傾爾耳於我之禱^四因我靈飽於苦難而我生命逼近於地獄^五我已如入墓者成如無力之人^六被投於羣死之中如被殺偃臥柩內爾所不復念而由主手被棄絕者^七爾曾置我於深下之坎內黑暗及無底之壑^八爾之奮怒重壓於

我而以爾之諸波擊之^九判離所識者於我使我為伊等所惡我被錮閉而弗得出^十因憂苦我目疲極我終日呼籲爾向爾舉手^{十一}爾於死者豈能施奇蹟乎亡者豈能起而讚揚爾乎^{十二}於墓中豈能宣揚爾之恩乎抑爾之真實豈於朽敗之地乎^{十三}於暗中孰識爾之奇蹟於忘地孰知爾之公義^{十四}主歟乃我呼於爾清晨我之禱至爾前^{十五}主歟爾何為棄我靈何為蔽面於我^{十六}我係無福者自幼時漸被消化我負爾之驚嚇而疲憊^{十七}爾之赫怒已逾我爾之驚嚇已損壞我^{十八}乃每日環我如水齊集團我^{十九}爾判離我友及親近者於我而我

所識者弗見

榮光讚詞

第八十八聖詠

主歟、我以爾恩永歌頌、我口欲傳爾之真理、至世世、蓋我
 言恩惠永遠建立、爾定其真理於天、謂夫我曾與我所選
 者立約、與我僕達微德設誓、我永定爾之裔、且建爾之寶
 位於世世、天主歟、諸天將光榮爾之奇蹟、及爾之真理、於
 聖者之會、蓋於諸天中、孰堪擬主、於天主子中、孰堪與主
 較、天主於聖者之大會、為可敬畏者、於環主之人、為可敬

畏者、天主萬天軍之主、誰之能力如爾、爾之真理環繞爾、
 爾治海之奮怒、其波飛騰、爾平息之、爾令阿喇阿烏傾仆、
 如被殺者然、且用有能之手、潰其仇敵、諸天屬爾、地屬爾、
 世界及載滿於其中者、爾會建之、爾造南北、發俊兒、及耶
 兒孟、因爾名必欣怵、爾之肱有能、爾之手有力、爾右手乃
 極高者、公平與義理、乃爾寶座之基、恩惠與真理、將行於
 爾面前、識鳴角而集之、民有福、天主歟、伊等將行於爾面
 之光、伊等因爾名、終日歡娛、因爾之義、被升舉、蓋其力以
 爾而榮耀、且將施恩、揚舉我儕之角、我儕之盾屬主、我儕

之君屬伊斯喇伊泐之聖者三昔爾以默示與爾聖者相談
 謂夫我以勇者會施輔助自民中所選者三我會升舉之我
 已獲我僕達微德會以我聖膏傳之三我手永偕之我肱必
 將固之仇敵定弗勝之惡者之子弗欺凌之於其面前二四我
 將毀其仇敵擊彼疾之者三五我真理及恩惠將偕之其角將
 以我名得升舉我將置其手於海置其右手於諸河伊將
 呼我謂爾乃我之父我天主救我之倚護我特立之為我
 之適子逾於地上之列王三我必為伊永存我之恩惠必為
 伊立定我之約係真者三我將永存其裔其位定常存如天

之歷日其子若棄我之法律弗行我之誠命儻違我之律
 則弗遵守我之命令三我即以杖擊其惡以鞭撻其違義但
 我恩弗離之不廢我之真理三五我定弗違我之約出我唇者
 我弗改之我一次會以己之聖設誓我豈欺達微德乎三七其
 後嗣必永存其位恒如日於我面前三必永固如月必如於
 穹蒼之證據云第爾現棄且藐而疾怒爾之被傳油者四一廢
 其僕之約擲其冠冕於地毀伊垣堞並其關隘頽壞行路四二
 者皆攘奪之伊且為其鄰所譏誚爾舉其仇之右手令其
 仇歡欣爾且轉其刃令其於戰時弗健立四五褫其光照倒置

其寶位於地四六會滅滅其少壯之日令以羞覆之主歟四七自隱將何如之久爾之怒如火烈殆至何時四八願念我生時極短爾造諸人子何以使其虛幻四九人間誰生而弗死孰能脫其靈於地獄之手五〇主歟爾昔時之恩何在爾依真理誓於達微德主歟五一願念其僕之受謗以眾民置於我懷爾仇敵之謗五二即辱爾被傳油者之跡五三願主受讚揚於世世阿民阿民

榮光讚詞

第八十九聖詠

主歟二爾乃我儕世世之投避三未見山生出爾未造地及普

世之先爾由創世直至世末為天主四爾令人歸朽腐乃謂人之子爾曹宜返五蓋爾目前千載如已逝之昨日且如夜之更六爾以之如大水逝矣彼似夢如朝生之草朝放花而青暮刈即槁矣七蓋我儕因爾之怒而消亡因爾之忿懣而驚惶八爾以我儕之惡列於爾前以我之隱陳於爾面光之前九我之諸日因爾之怒而消逝我儕之歲其去如舌音我儕歷年有七旬十或健至八秩其間安善時亦多劬勞病苦其逝之迅速如飛十一誰知爾怒之力誰依敬畏爾十二而識其怒十三祈指示我揆我儕之日為我儕能獲慧悟心十三祈主轉面將至何時憐

念爾之僕十四早以爾恩寵，饜飮我儕，而我儕將一生歡樂，求十五令我儕喜悅，如爾所罰我儕之日期，及邁難之諸年，願爾十六之工，顯現於爾僕，及爾榮著於伊等之子，願我主天主之恩，覆被我儕，願佑助我儕之手工，佑助我儕之手工。

第九十聖詠

一 凡居至高之覆中，必獲息於全能之蔭，向主曰，我之投避，二及我之護佑，我所冀望之天主，彼必救之於畋獵之網，及瘟疫，以已之羽，覆爾於其翼下，必無礙，其真理如盾如垣，四爾必不懼昏夜之震驚，及晝之飛矢，及黑暗所行之瘟疫，五

及午間所傷之瘴疫，千人仆于爾側，萬人仆于爾右，且不六近爾，但爾目親視之，見其受惡罪之罰報，蓋爾謂主，乃我八之倚望，爾擇至上者為投避，惡弗能邁于爾前，疫弗能侵十爾，居蓋命天神護爾，守爾于所行之諸途，其必以手扶持十二爾，弗令爾足蹶于石，踐蝮蹈蛇，踏獅及龍，因其愛我，而我十三救之，我覆之，因其識我之名，呼籲我，我必聽之，于憂患時，十五我偕之，拯之，榮之，以恒久度生，履足之，及獲見我之救，十六

榮光讚詞

第十三分

第九十一聖詠

三 至上者歟、讚榮主、歌頌爾名、于且傳揚爾之恩、爾之真實、
 四 于夜亦然、以十絃之樂器、以和琴與瑟、及歌頌、乃為善、主
 歟、以其工作、令我喜悅、因爾手之所作、我將歡樂、主歟、爾
 之造作、何其大、爾之思何奇巧之深、愚昧人弗知之、拙蠢
 者弗明之、惡者之生出如草然、行惡者之發花、為永滅、其
 十 時主係至高、直至永遠、主歟、因爾之仇敵滅亡、行惡者被
 十一 流離、第爾舉我角如犀角、我以新膏被傅、我目得見我仇
 十三 敵、我耳聞攻我之惡人向我起、義者發華如櫟、高出如利

望之松栢、伊等植于主之室、于我天主之院發華、伊等及
 十五
 老結實、必潤澤、且新鮮、為表揚主係公義、乃我之堅固、且
 六
 無不義者、

第九十二聖詠

一 主為君、乃以威嚴衣之、主以能力服之、束繫之、故世界乃
 二
 堅固、必不搖撼、爾之座自古堅立、爾係于諸世前、主歟、諸
 四
 河騰、諸河騰其聲、諸河騰其波濤、主居于上、有能力、越于
 五
 洪水之聲、越于海之大波、爾之默示、確係真實、主歟、聖德
 屬爾之堂、直至永遠、

第九十三聖詠

主歟、報復之天主、肯顯出^二地之審理者興起、

報彼驕傲者、主歟、惡者將何如之久、惡者獲勝將何如之

久、^四伊等談輕藐之言、凡行惡者自矜誇、^五伊等踐踏爾民、凌

侮爾產、^六戮殘婦及旅客、誅孤子、彼謂主必弗察、亞闊烏之

天主弗知、^八諸昏憤之人、宜覺悟、愚蠢者何時乃悟、^九傳耳者、

豈未聞之、造日者豈未見之、^十誨列邦者、開啟人者、豈弗約

束之、^{十一}主知人之念慮、乃空虛者、主歟、爾所誨者、以爾道所

教者、^{十三}為其于艱難之日、直至為惡者所拙之阱、得平安、其

人乃有福、^{十四}蓋主必不棄爾之民、必不遺爾之嗣業、^{十五}蓋審判

定歸于公義、心正者必隨之、^{十六}誰為我起、而攻行惡者、誰為

我起、^{十七}而攻作慝者、儻主不輔助我、則我靈必幾欲處于默

地、^{十八}我謂我失足、其時主以恩扶持我、我心多有憂思、爾之

安慰、令我靈甘、^{十九}壞人背道、謀殘害者之座、豈肯與主相近、

伊等羣聚、^{二十}攻義者之靈、治罪于無辜之血、^{二十一}第主為我之保

障、我天主為我投避處之堅固、^{二十二}其必以此眾之惡償之、以

其惡滅之、天主我主必滅之、

榮光讚詞

第九十四聖詠

請眾來于主前、歌頌呼籲于天主、係救我儕之堅固、^一宜以讚揚近至主前、以歌頌呼籲之、蓋主乃大、天主係諸主之^二大君、地之深、皆在其掌、山之極高、亦屬之海、亦屬之、^三係伊所造、其手亦造、^四槁壤、請眾來、叩拜俯伏、^五屈跪于造我之主面前、蓋伊係我儕之天主、且我儕為其草棧之民、及其手^六之羊、若爾曹今日肯聽其聲、毋剛愎爾曹之心、如于咩利瓦如于曠野試探之日、于彼、^七爾曹之列祖、試我、嘗我、見我之所行、^八四十載我以此世代憤怒、並謂此民乃心昧者、素

不識我之途、^九我已設誓于我發怒時、弗容伊等入我安息所、

第九十五聖詠

爾曹宜以新謠歌頌主、^一普地且歌頌主、爾曹宜歌頌主、讚祝爾之名、累日傳宣其救、^二宜宣示其榮光于列邦、及奇蹟于萬族中、蓋主為大、且被讚揚者、並踰于諸主之可畏、蓋^三列邦之諸主、乃偶像、惟主創諸天、有光榮及威嚴于其面^四前、有能力及美好于其聖所、此民之眾族、應報謝主、以光^五榮及尊貴報謝主、以其名之光榮報謝主、携禮物往主院、

宜拜主于其聖之美好、普地于其面前宜戰慄、爾曹向諸
 列邦言、主為君、以此普世乃堅固、弗能搖撼、伊將以公義
 欲審判眾民、諸天宜喜悅、地宜慶忭、海中所盈滿者、宜發
 聲、田畝及其中所有者、皆宜欣喜、林之諸木、宜歡樂、于天
 主前、蓋伊來、伊來審判地、其將以公義審判天下、以真實
 審判萬民、

第九十六聖詠

一 主為君普地宜歡樂、眾多島均宜喜悅、雲及黑暗環擁之、
 二 公義審判係其寶座之基址、於其面前行火、焚其四周之
 三 仇敵、其電光照世界、地見之而戰慄、諸山如燭銷化於主
 四 前、即普地之主前、諸天傳揚其公義、萬民見其光榮、凡事
 五 雕刻之像者、以偶像自矜誇者、必皆承羞、諸天神宜拜於
 六 其前、主歟錫汝聞而悅、伊屋達諸女歡樂、因爾之審判、蓋
 七 主於普地、崇高踰於諸主、係被讚揚者、愛天主者、爾曹當
 八 惡奸惡、伊存聖者之靈、脫之於惡者之手、有光輝照義人、
 九 有歡樂加至心正者、義者宜為主喜悅、且讚美其聖名、

榮光讚詞

第九十七聖詠

爾曹宜以新歌謠歌頌主，蓋伊已行奇蹟，其右手及其聖
 肱已獲勝，主顯其救於萬民目前，啟示己之公義。伊念亞
 闊鳥之恩惠，及伊斯喇伊泐家之誠實，凡地角已見我儕
 天主所施之救，普地宜呼籲於主前，慶賀喜樂歌頌，以琴
 歌頌於主，以琴及聖詠之聲，以笳與角之聲，慶賀於主君
 之面前，海及盈滿於其中者，宜發聲，世界及凡居於其內
 者，亦如斯，川河宜鼓掌，山岳宜慶忭，於天主前，蓋伊來審
 判地，其將以公義審判天下，以真實審判萬民。

第九十八聖詠

主為君，萬民戰兢，其坐於諸叶嚼微木上，地乃震動，主於
 錫汶為極大，崇高逾於眾民，宜讚揚其至大，及可畏之名，
 因其乃聖者，君力喜公義，爾已堅定正理，乃於亞闊鳥中，
 已行審判及公義，宜讚揚主，我儕之天主，且叩拜於其足
 下，因其乃聖者，司祭內有摩些及阿阿隆，祈禱其名者中，
 有薩木伊勒呼籲於天主，主即允之，伊自雲柱諭之，伊等
 遵守其誠命，及其所賜之法律，主我儕之天主，爾曾允之，
 爾為伊等寬恕，且償報其所行之天主，宜讚揚主，我儕之
 天主，且拜於其聖山，蓋主我儕之天主，乃聖者。

第九十九聖詠

一 普地呼籲于天主前，
 二 爾曹當以歡樂事主，以呼籲趨至其
 三 前，
 四 宜知主乃天主，伊造我儕，且我儕屬之，我儕係其民，係
 五 其草棧之羊，爾曹宜以讚頌入其門，以讚美進其院，榮光
 六 之讚揚其名，蓋主乃慈善者，其恩惠乃永存，其真實直至
 七 世世。

第一百聖詠

一 主歟，我將歌頌仁慈公義，我欲歌頌于爾前，
 二 我將思慮無
 三 辜之路，爾將至我于何時，我以無辜心行于我家，
 四 我目前

一 不置邪僻之物，及疾犯法之事，
 二 彼弗能沾染，敗壞心，被我
 三 所離惡者，我弗識之，
 四 于暗中誣謗親近人者，我將逐之，
 五 睨
 六 視心傲者，我不容之，
 七 我目視此世代之忠者，令偕我居，行
 八 無辜之路者，必事奉我，
 九 行狡詐者弗居于我家，
 十 妄言者不
 十一 在我目前，
 十二 清晨，我擊滅此世之諸惡者，
 十三 令凡行惡者見除
 十四 于天主域。

榮光讚詞

第十四分

第一百聖詠

主歟，聆我之禱，我呼籲達至爾前，毋蔽爾面于我，我憂愁
 日，傾耳聽我，我呼籲爾時，迅速聆我，蓋我日消滅如烟，我
 骸似火焚而焦，我心被斬截，及枯槁如草，至我忘食，我之
 餐，因我呻吟聲，我骸貼于膚，我如野地之鵝鶩，如荒舍之
 鳴鴉，我弗眠而坐，如止于屋脊之孤鳥，我仇每日毀謗我，
 憤我者向我而詈，我食灰如餌，我和淚而飲，因主赫怒及
 忿憶，蓋爾曾升舉我，復遺置我，我日如晷已斜，我枯如草，
 主歟，爾乃永在，為爾之記憶在世世，爾必興起，矜恤錫汶，
 因慈憐之期至矣，誠已至矣，爾之諸僕，愛彼中之石，及惜

其塵，萬民將敬畏主名，及普世之諸王，將欽爾之光榮，因
 主欲建錫汶，及其光榮表顯之，伊復聆窮乏者之禱，不
 輕視其禱，此必為將來之世代而蒙紀錄，後裔必讚揚主，
 因其自聖之高區俯首，主自天監觀地上，為聞被掠者之
 呻吟，欲解受死之子，使其在錫汶傳揚主名，且于耶路撒
 利木而讚頌之，即係在諸民及列國，集聚事奉主之時，其
 曾于途中，弱我之力，減我之日，我曾謂我天主，毋于我日
 之半途時逝我，爾之年直至世世，主歟，自古初地，諸天亦
 爾手所造者，彼定消化，惟爾常存，彼必皆朽敗如衣，爾將

易之彼必為改變三惟爾不易爾之年無窮盡爾諸僕之子必生存其後裔必堅立于爾面前

第一百二聖詠

一 我靈當讚稱主我臟腑亦讚稱伊之聖名我靈當讚稱主
 而毋忘伊之諸恩三伊赦爾之諸罪愆療爾之諸疾救爾之
 生命于墓以恩寵矜憐冠之以美好充爾所願爾復成幼
 稚如鵬鷹然主行公義及審判於諸被屈者伊曾示已途
 於摩些示已事蹟於伊斯喇伊利之子主乃善施及仁厚
 寬忍及鴻慈者怒弗終恚亦弗永弗據我之罪惡而行于

我儕弗依我之罪過而報于我儕十一蓋主之恩寵向敬畏伊
 者其大若高天於地伊離罪於我儕其遙如自東徂西十三憫
 敬畏伊者其誠如父於厥子因伊知我儕之形體憶念
 我儕係塵土人之口如草其華如野花經風即消以至不
 復識其處十七而主恩於敬畏伊者于世世其公義臨至守其
 約之子子孫孫及懷念其誠而行之者主建其寶座于天
 其國統轄萬有主之諸天神具大能力遵其諭而聆其言
 者俱宜讚稱主主之諸軍使役而行其旨者宜讚稱主
 所造者宜讚稱主于伊所轄制之諸地我靈宜讚稱主

榮光讚詞

第一百三聖詠

一我靈當讚揚主，主我之天主，爾乃奇妙之威嚴，爾被光榮
 及威嚴，爾以光服如袍，舒天如幔，爾于諸水上建霄殿，爾
 乘雲如車，行于風之翼上，爾以神為差役，以火燄為已僕，
 爾建地于堅固之基址，世世弗動，爾以淵如服而覆之，山
 巔水立，以爾之威命彼水即逝，以爾之雷聲即迅逝，水升
 于山，降于澗，至爾為其所定之地，爾定其經界，其必不溢
 出，折反漫地，爾驅泉水于澗，山間水流，為飲諸野獸，野驢

消其渴，其旁棲空中之鳥，由枝間聞其聲，爾從已之上宮，
 灌盈諸山，爾所造之果地得饜足，爾令草長，以飼牲，令蔬
 生供人用，為令地生食，及悅人心之酒，澤人面之膏，及養
 人心之五穀，主所植之樹，利望之松栢，得饜足，其上鳥結
 巢，松為鶴之棲處，崇山為黃羊之宅，磐石為兔之投歸，主
 造月定時日，日知沉西，爾布昏暗即有夜，彼時諸林之獸
 始遊行，獅吼為攫物，乞食于天主，日出獸咸集，隱伏于其
 穴，人出工作，劬勞至暮，主歟，爾所行何其多，爾純以智慧
 而造地，盈主之所造者，此乃極大且廣之海，其間有無算

伏動大小之生物、其間亦有舟行、其間有爾所造浮游其
 中之鯨、伊等皆候主、隨時予食、爾予之、伊等即受、主張手
 伊等以善獲饜、蔽爾面伊等則懼、奪其氣伊等則死、而往
 歸其土、爾施其氣伊等即蒙造成、且見新于地之面、願主
 光榮永在、願主悅彼所造者、主視地、地則震動、拊山、則發
 烟、我欲一生讚頌主、我至終必讚美我之天主、我願歌頌
 悅主、為主我則喜、願凡獲罪者、滅于地、違理者消亡、我靈
 當讚揚主、

榮光讚詞

第一百四聖詠

爾曹讚榮主、呼籲爾名、于異邦宣揚爾所行者、宜為爾歌
 頌、為爾頌詩傳揚爾之諸奇事、當因其聖名而矜詡、凡尋
 主者、心宜樂、宜尋主及其力、恒尋其面、爾曹宜記憶主所
 行之奇蹟異事、及其口之判斷、爾曹阿烏喇阿木之裔、乃
 主之僕、亞闊烏之子、乃主所選者、其乃主我儕之天主、爾
 之諸判斷、乃徧于普地、主恒記憶其誠約、及所命于千代、
 即予阿烏喇阿木所定之言、及于伊薩阿克所設之誓、主
 亦堅定之、予亞闊烏為法、于伊斯喇伊泐為永約、且謂、我

將賜哈納按地于爾，為爾應分之產。彼時，爾數無多，爾並

無多，且為旅于彼地。伊自此邦至彼邦，由是國至異民，主

弗容人侮之，且因之禁列王。謂夫，母侵我之被傅油者，毋

害我之先知云。主復召飢荒降于地，並其莖毀之。復令一

人先眾往，伊鄂錫福被賣為僕人，以錫鐐梏其足，其靈入

于鐵。俟其言驗，天主言煉試之王，遣人釋之，列名之宰官，

令人釋之，立之為其家家宰，治其所有，令之隨意檢束王

之臣，且以明智誨王之老成。其時，伊斯喇伊勒入耶吉撒

突亞，關鳥徙于哈木地。天主使其民極加多，令其勝于仇

敵之力。主令仇敵心疾彼民，以狡詐待主僕。伊遣其僕摩

些及所選之阿阿隆斯二人于伊等中，指示主奇蹟之言，

于哈木地，指示主之異跡。主施昏暗而晦之，眾不違主之

命。又令其水化為血，亡其魚。其蕃育多蛙，其列王之室亦

有之。主發命則蠅蚋來至其四境，復降雹代雨，施烈火于

其地。又擊彼葡萄及無花果樹，折其四境之樹。主發命則

來無算之蝗，與青蟲蝕盡其地之各蔬，蝕其田之諸果。主

擊彼地之凡首胎生者，即強壯時所首生者。導伊斯喇伊

勒人携金銀出之，支派之眾無病者，其出耶吉撒突即喜

悅蓋彼曾懼之主乃布雲為蓋發火為光于宵民祈主即
 令鴉集且以天糧令伊等得飫主繞石水即出流于陸若
 河蓋伊念其子其僕阿烏喇阿木之聖言且引其民歡欣
 而出彼所選者亦喜樂而出伊以列邦之土賜伊等令其
 享列民之勛勞欲伊等遵主之規守主之法

榮光讚詞

第十五分

第一百五聖詠

爾曹讚榮主蓋伊乃善者因伊恩慈永存孰能論主之鴻

能孰能盡述主之讚榮福哉遵循審判者時行公義者主
 以施爾民之恩而念我以爾之救臨至我為我獲見爾選
 人之福以爾民之喜而獲喜偕爾之嗣業而誇耀我儕與
 祖之犯罪相同已行乖僻已作違理我列祖在耶吉撒突
 時不識爾之奇跡弗念爾盛大之恩慈乃于海即紅海而
 悖逆第伊為己名而拯拔彼等為令人見其全能伊向紅
 海厲言彼即竭矣且令彼等過深淵如平陸且救之于恨
 怨手且救脫彼等于仇敵手乃以水湮其仇敵并一弗遺
 彼等信主言以讚美詞歌頌之惟民倉猝時忘爾之功不

俟爾之旨，乃貪私慾于曠野，試天主于荒郊，伊賜彼等所

求者，惟令其靈受疫，于營內嫉妬摩些及主之聖者阿阿

隆地，卽綻口吞達芳，且傾覆阿微喇木之黨，火焚彼黨中，

烟燄燬盡此衆惡者，乃造犢于豁利福，且拜彼偶像，易其

光榮如食草之牛形，而忘救之者，曾行大事于耶吉撒突

者，施奇跡于哈木地，及可驚懼事於紅海之天主，主願滅

伊等，惟其所選之摩些立其前，乘間挽主之怒，免主滅伊

等，民輕藐所慕之地，弗信主言，乃于幕中怨之，弗聽主之

聲，是以主舉手至其身，令伊等顛仆于曠野，且令其裔顛

仆於列邦，蕩析于各國民，倚瓦阿喇斐郭兒，而食無靈者

之祭物，又以其所行而激天主，故瘟疫流行於彼中，彼時

斐捏耶斯起行審判，瘟疫始止，其獲以此稱義于世，乃無

窮世，伊等致天主怒，于畔喇瓦之水，摩些爲之受難，蓋彼

等憂鬱其靈，伊以口犯罪，彼等未曾滅，主所命於彼等之

異邦，但於異邦雜處，而效其所行事，彼罪網之偶像，以已

子女獻祭於魔，流無辜之血，卽其祭哈那昂偶像之子女

血，故其地爲血所污，因其所作而自污，其罪係邪僻，是以

主發怒於其民，憎棄其嗣業，以伊付於列邦之手，其仇怨

者制之其仇敵虐抑之伊乃伏于其仇敵之手主屢釋之
 第伊以其固執悖主因其惡而輕之四四主聞其呼籲四五卽憐顧
 其愁苦憶念與伊等之誠約依其仁慈而悔易四六令其於掠
 劫者之前蒙慈憐主我儕之天主救我儕自列邦中集我
 儕爲讚揚爾之聖名且因爾榮光而誇耀主四七伊斯喇伊泐
 之天主實當受讚美永世無盡萬民宜云阿民阿民

榮光讚詞

第一百六聖詠

爾曹讚榮主蓋伊乃善者因伊恩慈永存似此必謂主所

救者卽於仇敵手所救者乃自東自西自北且自海涯各
 處所集聚者伊等游行僻途於曠野弗遇人所居之域五忍
 飢及渴伊等之靈受消化其憂愁時呼籲主六卽脫之于其
 患難復攜之行正路使獲至人所居之域七宜讚揚主以其
 所施之恩慈及其所施于小子之奇跡八蓋渴者之靈伊曾
 足之飢者之靈曾以善飮之伊等坐於昏暗死之蔭中以
 憂愁及鐵索被縛者因其背逆天主之言輕忽至上者之
 旨九主以劬勞抑其心其蹶無可助者其憂愁時呼籲主十卽
 救之于其患難十一拯提之出於昏暗及死之蔭中解其縛十二宜

讚揚主以其所施之恩慈，及其所施於人子之奇跡，蓋主
 劈銅門折鐵扇，愚者因其違理之途，及其背義而受苦，若
 其靈厭諸食，且逼近死門，其憂愁時呼籲主，即救之於其
 患難，主降諭而療之，脫之于壙，宜讚揚主以其所施之恩
 慈，及其所施於人子之奇跡，宜獻以讚美之祭，以歌頌傳
 揚其所行，乘桴浮海，行事於大水者，見主所為，見其奇跡
 于深淵，謂主示諭，則烈風起，騰海波，上升于天，復入於深
 淵，伊等之靈，因危險而銷，翻轉動搖如醜者，其智慧無可
 如何，其憂愁時呼籲主，即提之于其患難，令狂風變安靖，

其波始平息，伊等即喜，因其得安，主攜之至其所冀之埠，
 宜讚揚主以其所施之恩慈，及其所施于人子之奇跡，應
 于民之會稱揚之，於長老之座讚美之，主化河為野，化水
 泉為稿壤，化沃壤為鹵地，因居於彼者之罪惡，化野為沼，
 稿壤為水泉，令餒者居之，建其可居之域，耕田植葡萄園，
 其實繁衍，主降之福，令其加多，弗容其牲減少，因窘迫及
 患難及憂愁，伊等減損而仆，主為人君者，極被輕侮，令之
 遊行于無路之荒野，興貧窶者于患難中，令其嗣如羊羣，
 義人將見此而悅，惡者悉塞其口，孰為智者，必監察此事，

而審識天主之恩慈

榮光讚詞

第一百七聖詠

我心已定，天主歟，我心已定矣，我將歌且頌，我之讚揚當
 始，我之琴瑟當作，我將早起，主歟，我將讚頌爾于萬民中，
 歌頌爾于異邦間，蓋爾之恩高于天，爾之眞實至於雲表，願
 天主升於諸天之上，而爾之榮光滿於普地，使爾親愛者
 獲救，以爾右手救而聽我，天主于聖所言曰，我將獲勝，分
 錫叶木而度量，沙克豁福之谷，噶刺阿德屬我，瑪納錫阿

亦屬我，耶福咧木乃我首之堅固，伊屋達乃我之權衡，摩
 阿烏爲我之浴桶，我將舒我鞵于耶多木於斐利斯提木
 地，爾可歡籲于我，孰將引我進鞏固之城，誰能導我至耶
 多木，豈非天主乎，曾棄我而今不偕我兵共出者乎，祈賜
 助我等于狹難中，蓋因人之護佑乃虛枉者，倘偕天主則
 我儕將顯氣力，伊必降抑我儕之仇敵，

第一百八聖詠

我讚頌之，天主歟，毋緘默，蓋極惡且詐之口所啟，以詭譎
 之舌向我言，以怨言環我，無故與我相爭，以我之愛易爲

我之仇事我卽祈禱彼以惡酌善以怨償我之愛願主令
違理者轄制之令魔立于其右願其受審判時定其罪願
其禱易爲罪願其時日促他人獲其位職願其子孫爲孤
妻爲嫠願其子流離流離而乞丐于敗壞之地求食願債
主奪其所有外人掠其所劬勞者願無人以慈憐施予之
無人施恩予其孤子願其裔斷絕其名銷于後世願主前
其列祖之惡被記憶其母之罪不消除願其嘗於主面前
爲消除其號於地因其弗憶施恩慈乃窘迫貧窮之乞丐
及焦心者爲致死伊等其旣好詛咒是以詛咒臨之其旣

不喜祝福是以祝福違之願其以詛咒自服如衣願詛咒
已如水入其腹如油入其骸願此詛咒似其所服之衣願
其恒束此帶主如此報復凡爲我仇敵及以謗言攻我靈
者主歟主因主名善輔我蓋爾之恩慈乃善者所救我蓋
我乃貧乏乞丐心中毀傷我逝如唇之斜我被逐如蝗我
膝因守齋而罷乏我軀消瘦我爲其所誦其見我則搖首
主我之天主輔助我依爾之恩慈而救我願其必識此乃
爾之手此乃爾所行者其將施詛咒爾將施祝福其興起
卽被辱惟爾僕將喜悅願我之敵將服辱如衣以愧自蔽

如裳我以我口惟高聲讚主且於眾中讚揚之蓋伊必立於貧窶者之右為救其靈于審判之者

榮光讚詞

第十六分

第一百九聖詠

一 主向我主云爾坐我右至我以爾仇置爾足下主自錫汶
將遣爾能力之杖爾可宰治于爾仇敵中于爾能力時爾
民齊脩於聖之美爾自腹生于黎明前似露主曾設誓必
弗自悔爾依畔列些疊克之班秩為司祭直至永遠主在

爾右其發怒之期擊列王其必施審判于列邦其以口盈地已擊首于寬曠于道旁泉必飲水以此必翹首

第一百十聖詠

一 主歟我一心讚揚爾于義德之議論中及會中主所為乃
極大願其所喜愛者主所為榮且美其公義永存主令人
念其奇跡主乃哀矜鴻恩者賜糧予敬畏之者永念其誠
約會以所為之能力顯于其民為賜以異邦之嗣產主手
之動作乃真實及公義其誠命係誠者堅固於世世以真
實及公義立基主曾施救護于其民設約于恒久其名乃

聖而可畏者智慧之原始，乃畏主之畏，守成其誠命者，確聰明主之讚揚必永存。

第一百十一聖詠

一 福哉，凡敬畏主者，及極喜其命者，其裔于地必有力，義德者之世，必獲福，富貴于其家，其義永存，義德者之光，于暗中興起，即善及仁及義者，善人係施恩借予人者，其審判時所言，乃確實者，必永弗撼搖，義者必永被懷念，且弗懼不善之風聲，其心倚賴主，乃堅固，其心乃堅固，見其仇敵時而無懼，彼曾散施周濟，其義永存，其角必以榮耀升舉，惡

者見之則厭切齒而消化，惡者所欲必滅。

榮光讚詞

第一百十二聖詠

一 主之僕宜讚揚，讚主之名，願主之名，被祝讚，自今至恒久，由日昇直至日落之處，願主名被讚揚，主崇于萬民，爾之光榮逾于天，孰如我主天主，即處于高區者，于天于地，作俯觀者，自塵土提拔貧乏者，自泥塗升舉窮困者，使其與列王，即其民之列王，偕坐，令不孕之婦而為有子，歡欣之母，安處于家中。

第一百十三聖詠

伊斯喇伊泐出耶吉撒突時亞蘭烏家離異民時則伊屋
 達為主之聖所伊斯喇伊泐為主之轄地海一見之而急
 逝岳兒達尼退縮山陵躍如羝邱垤躍如羔海因何事令
 爾急逝岳兒達尼因何事令爾退縮山陵因何事令爾躍
 如羝邱垤因何事令爾躍如羔地于主前于亞蘭烏之天
 主前爾宜震動主化磐石為沼化石為水泉主歟非予我
 儕非予我儕乃于爾之名緣爾之恩慈及眞理而錫光榮
 胡為列邦云其天主何在十一我儕之天主手天于地隨意而

行惟列邦之偶像乃銀與金者係人手所造者彼有口而
 弗言有目而弗見有耳而弗聽有鼻而弗嗅有手而弗拊
 有足而弗行其喉不發聲造之者倚之者與之相似伊斯
 喇伊泐家宜倚冀主乃我儕之輔助及護佑阿阿隆家當
 倚冀主乃我儕之輔助及護佑敬畏主者當倚冀主乃我
 儕之輔助及護佑主記念我儕降福我儕降福于伊斯喇
 伊泐家降福于阿阿隆家降福于敬畏主者無論大小願
 主增益爾眾增益爾曹及爾曹之子孫爾曹被主卽創天
 地者所祝福彼天乃主者地主會以之賜人子讚美天主

非亡人亦非入于墳墓者，惟我儕生活者，必欲讚頌主，自今至無窮世。

第一百十四聖詠

一 我喜悅，因主聆我聲，我之祈禱，傾耳聽我，以此我將于我
二 諸日呼籲主，致死之病環我，地獄之苦難臨至我，我罹于
三 迫制且憂愁中，乃籲求主名云，主歟，救我之靈，主乃施恩
四 且公義者，我儕之天主，懷慈憐者，主乃護庇無知識者，我
五 疲弱主即施助于我，願我靈歸爾之安慰處，蓋主曾施恩
六 予爾，蓋爾已救我靈于死中，我目于淚，我足于蹶，我必于
七 九

有生之地而行于主前，

榮光讚詞

第一百十五聖詠

一 我確信而言，我被焦慮，我惶遽時，謂人皆虛幻，我何以報
二 主所施于我之恩，我將以拯救之爵，籲求主之名，我所許
三 于主，必于彼眾民之面前而償，聖者之死，于主目前為貴，
四 主歟，我乃爾之僕，我乃爾之僕，爾婢之子，爾釋我之縛，我
五 將以讚揚之祭獻爾，籲求主之名，我所許于主，必于彼眾
六 民之面前，于主之院，于耶嚕薩利木中而償。

第一百十六聖詠

萬民爾曹宜讚揚主，眾族爾曹當尊榮之。蓋其所施于我，
儕之恩慈大矣。主之真實永存。

第一百十七聖詠

爾曹讚榮主，蓋伊乃善者。因伊恩慈永存，願伊斯喇伊泐
家言，伊乃善者。其恩慈永存，願阿阿隆家言，伊乃善者。其
恩慈永存，願敬畏主者言，伊乃善者。其恩慈永存。我迫狹
時呼籲于主，伊即應我，引于綽裕處。主護佑我，我則弗懼。
人能何所行于我，主係輔助我者。是以我將見仇我者，賴

主較倚恃人爲善，望天主較倚恃列王尤善。萬民環我，我
藉主名已抑之。彼環我，我藉主名已抑之。彼環我，
如蜂之環蜜，乃被消滅。如棘之火，我藉主名已抑之。爾已
欲刺我，意欲傾仆我。藉主扶持我，主乃我之力。我之歌頌，
其爲我之救。于義者之宅，有歡欣及施救之聲。主右手行
奮勇，主之右手高舉。主之右手行奮勇，我非幾死，乃猶生
活者。必傳述主之所行。主已厲責我，惟未以我付于死。願
爲我開道義之門。我欲入，我將讚榮主。此乃主之門，義者
必入。我讚榮爾，蓋爾曾聽我，爲我之救。工師所棄之石，成

為隅首，此乃天主所為，我儕目而奇之，此乃主所建之日。
 我儕因此將歡欣喜樂，主歟救我，主歟輔助我，以主名來
 者實已滿，被讚揚，自主之堂，我儕讚揚爾，天主乃主，以光
 照我儕，宜以繩繫，牲攜至祭臺之角，爾乃我之天主，我將
 讚榮爾，爾乃我之天主，我將稱頌之，我將讚榮爾，因爾聆
 我，為我之救，爾曹讚榮主，蓋伊乃善者，因伊恩慈永存。

榮光讚詞

第十七分

第一百十八聖詠

福哉，無玷而行者，係率履於主之法律，福哉，遵守其默示。
 純心覓之者，伊等弗行，違理於主之路而行，爾命人固守
 其命令，苟我道使直，為守主誠律，其時我視主之誠命，必
 不承羞，我以正心讚榮爾，我效其公義之審判，我必守爾
 之誠律，毋盡棄我，年少者何以潔己之路，係以爾命自遵
 守，我盡心求爾，毋令我避爾之誠命，我心中藏爾之言，為
 不犯罪於爾前，主歟，爾乃被讚揚者，求以爾誠律訓諭我，
 我以己口傳述爾口之審判，我行爾默示之道，悅之如諸
 貨財，我將默思爾之誠命，敬顧爾徑，我以爾之誠律喜慰。

弗忘爾言、顯恩於爾僕、為我獲生命、可守爾言、開我目、即
 能曉爾法之奇妙、^{十九}我在地為旅客、毋秘爾之誠命於我、我
 靈時時竭力念爾之審判、爾於驕傲者、被詛者、凡爽其誠
 命者、制之、^{三三}求離毀謗及輕視於我、蓋我遵守爾之默示、列
 王坐而議我、第爾僕默念爾之誠律、爾之默示為我所喜
 慰、爾之誠律為我之謀、^{三五}我靈附於塵、依爾言、甦我、我陳述
 我經歷之途、而爾聽我、求以爾誠律、誨我、^{三七}令我悟爾命令
 之道、我必默念爾之奇蹟、^{三六}我靈因憂而銷、求依爾言、堅固
 我、^{三九}離詭詐之途於我、施我以爾之法律、我擇真實之途、爾

之審判、立於我前、^{三一}主歟、我曾戀爾之默示、毋令我受辱、爾
 寬我心時、我趨至爾誠命之途、^{三三}主歟、以爾誠律、道指示我、
 我即遵守至竟、^{三四}訓啟我、我即遵守爾法律、以一心守之、^{三五}置
 我於爾所命之途、蓋此乃我所悅者、^{三六}令我心向爾之默示、
 而弗向貪慾、^{三七}令我目不視彼虛偽、令我甦於爾之途、^{三八}堅固
 爾言於爾僕、因其敬畏爾、^{三九}銷除我所懼之謗、蓋爾之審判
 乃善者、^{四一}我慕爾之命令、以爾真實甦我、^{四二}主歟、願爾之恩慈
 臨至我、依爾言、以爾之救臨至我、^{四三}我則克答彼侮我者、因
 我賴爾言、^{四四}毋盡去此真實之言、離我口、蓋我冀望爾之審

判我必恒久遵守爾法至無窮世且我將行於綽裕處蓋

我素求爾之命令我將於列王前談爾之默示而弗恥我

必喜慰爾之誠命卽我所慕者我將舒我手向爾之誠命

卽我所慕者我定默思爾之誠律願爾記憶與爾僕之言

因爾曾令我冀望之於我苦難時爾言甦我斯為我之安

慰驕傲者譏我至極第我不離爾之法主歟我記憶爾諸

世前之審判而自慰我見惡人棄爾之法則甚驚懼我於

為旅客之室恒以爾之誠律為我之歌頌主歟我於宵記

憶爾名且遵守其法此乃屬我者因我遵守爾之命令主

歟我謂遵守爾言乃我之分我曾純心求爾依爾言矜憐

我我曾思我之途而轉足於爾之默示我迅速弗遲遵守

爾命惡網環我第我不忘爾之法我中宵興起讚頌爾因

爾公義之審判凡敬畏爾者遵守爾之命令我與之為儔

主歟地上以爾之恩慈充滿以爾之誠律誨我主歟爾已

依其言善待其僕祈爾以良善明悟及智訓我蓋我信爾

命我未受難苦之先卽遊於昏迷中今祇遵守爾言主歟

爾乃善者且行善以爾之誠律誨我驕傲者造妄言攻我

我惟純心遵守爾之命令其心胖如脂我以爾法喜慰我

第百十八聖詠

受苦難為我克習爾之誠律此乃為我之善爾口之法貴
值金銀千千我以之為善

榮光讚詞

爾手造我成我求爾訓我為我習爾之誠命敬畏爾者見
我則喜蓋因我冀望爾言主歎我知爾審判乃公義者爾
乃依公義責我願爾之恩慈依爾於爾僕所言為我之安
慰願爾之慈憐臨至我我即獲生命蓋爾之法係我所愛
者願彼驕傲者蒙羞蓋其無故迫制我我默念爾之命令
凡敬畏爾者及識爾之默示者願其歸我願我心無玷於

爾之誠律為我弗承羞我靈銷於慕爾之救我祇冀望爾

言我目銷於候爾之言我謂爾待何時安慰我我如煙中

之皮囊第我未忘爾之誠律爾僕之日有幾何爾何時行

審判於凌虐我者驕傲者悖爾之法為我掘阱爾之誠命

皆真實眾無故凌虐我求爾輔助我伊等幾欲滅我於地

上第我弗棄爾之命令依爾恩甦我我必遵守爾口之默

示主歎爾言永堅立於天爾之真實直至世世爾立定地

地即立依爾之命令伊至今尚存留因悉為爾之服事倘

爾法不為我之安慰我即消亡於患難中我永弗忘爾之

命令蓋爾以此甦我我屬爾救我蓋我素求爾之命令惡
人伺我欲害我惟我洞徹爾之默示我已見純全之經界

惟爾之誠命乃無垠我慕爾法何如之甚我終日默念之
以爾之誠命使我智勝於我仇敵因此誠命永偕我我之

穎悟逾於我師蓋以爾之默示我默念之我之通徹逾於
老者蓋因我遵守爾之命令我弗令足行於諸惡途為守

爾言我弗離爾之審判蓋爾訓我爾言於我喉何如之甘
於我口中甘逾於蜜我以爾之命令被啟悟是以疾諸詭

詐之途爾言為我足之燈為我途之光我設誓遵守爾公

義之審判即願成之主歟我受壓制至極依爾言甦我主
歟求爾納我口甘願之祭獻且以爾審判誨我我靈恒於

我手第我弗忘爾之法惡者列網於我前第我弗離爾之
命令我受爾默示為嗣業於永世蓋此乃我心中所悅者

我傾我心為成爾之誠律於永世至終我疾人之虛偽我
惟愛爾之法爾乃我之幟幟及我之盾我冀望爾言行惡

者爾曹當離我我必遵守我天主之命求依爾所言堅固
我我必獲生命於所冀望者弗承羞扶助我我必獲救我

即恒願爾之誠律悖棄爾誠律者爾悉擯擲之蓋伊等之

謀慮乃詭詐地上之惡者爾皆除之如滓是以我愛爾之
真三 默示因敬畏爾而我肉軀戰慄我且懼爾之審判我行審
真三 判及公義毋付我於凌虐我者中求護佑爾僕得善弗容
真三 彼驕傲者侮我我目銷化於候爾之救及爾公義之言依
真五 爾慈悲待爾僕以爾誠律誨我我乃爾僕求誨我我必能
真七 喻爾之默示事主之時已至蓋人已廢爾之法我愛爾命
真七 逾於金及精金我以爾之諸命令為真正者且疾詭詐之
真三 諸途爾之默示乃奇妙者故我靈守之啟爾默示之辭光
真三 照及訓誨愚者我啟口而喘因我渴望爾之命

榮光讚詞

真三 求爾回顧我矜憐我與愛爾名者同堅固我之足於爾言
真四 中毋容彼何罪轄制我救我於人之凌虐中我即守爾之
真五 命令以爾面之光照爾僕以爾之誠律誨我我目流水泉
真六 因弗遵守爾之法律主歟爾乃義者爾之審判乃公義者
真六 爾所命之默示乃公義者乃極真實者我熱衷已蛀蝕我
真四 因我仇敵忘爾言爾辭極潔爾僕愛之我乃細微被輕忽
真四 第弗忘爾之命令爾義乃永義爾法乃真者困苦憂愁已
真四 遭逢於我爾之誠命乃我之安慰爾默示之真理乃永存

誨我、我則獲生命、我純心呼籲爾、主歟、聽我、我必遵守爾

之誠律、我籲求爾救我、我必遵守爾之默示、我於黎明前

呼籲爾、我冀望爾言、我目寤於宵更之前、為可以洞徹爾

言、主歟、依爾恩慈、聆我聲、依爾之審判、甦我、謀詭詐者邇

矣、彼乃遠離爾之法、主歟、爾乃邇、爾之諸命、係真者、我自

昔、以爾之默示、知爾立定之於世、世求願我、因厄而救我、

蓋我弗忘爾之法、祈伸理我之訟詞、及保護我、依爾言、甦

我、拯救離夫惡者、蓋伊等弗索求爾之誠律、主歟、爾之鴻

恩極多、依爾審判、甦我、逼害驅逐我者、極眾、我猶弗離爾

之默示、我見悖逆者而憂之、因其不守爾言、視我愛爾之

命令、何似、主歟、依爾之恩慈、甦我、爾言之本、乃真者、凡爾

公義之審判、乃永存、列王無故凌虐我、我心惟懼爾之言、

我以爾言而喜、如獲大利、妄言我忿之、厭之、惟爾之法、我

愛之、我日七次讚揚爾、因爾公義之審判、愛爾之法者、獲

大平安、毫無阻礙、主歟、我倚望爾之拯救、行爾之誠命、我

遵守爾之默示、我愛之、至極、我遵守爾之命令、及默示、蓋

我途皆在爾之面前、主歟、願我呼籲至爾面前、依爾言、誨

我、願我祈禱至爾面前、依爾言、救我、我口將發讚揚、於以

其誠律誨我時，我舌必述爾言。蓋爾之誠命純係公義，願爾手為我之助。蓋我擇爾之命令，主歟，我渴望爾之拯救。爾法乃我之喜慰，願我靈獲生，而讚揚爾。願爾之審判輔助我。我迷失如亡失之羊，祈覓爾僕。蓋我弗忘爾之誠命。

榮光讚詞

第十八分

第一百十九聖詠

我於愁苦時呼籲主，而伊允我。主歟，救我靈於詭詐之口，於虛妄之舌。詭詐之舌能以何予爾，能以何加爾。彼恰似

勇毅之利矢，野草之熱炭。禍災於我，因我於摩莎合為可惜。於乞達兒之墓側而居。我靈與彼疾和睦者，偕居已久。我惟安和，第我出言伊等必爭戰。

第一百二十聖詠

我舉目觀山，我之扶助自彼來。我之扶助由造成天地之主。伊必不令爾足搖撼。守爾者弗寐，護守伊斯喇伊泐者，弗倦弗眠。主乃爾之護守者，主係爾右之庇廕。晝日不暴爾，夜月不損爾。主將護守爾於諸患難，主將護守爾靈。主將護守爾之出入，自今直至無窮世。

第一百二十一聖詠

一 我喜人向我云、我儕可以進主堂、耶嚕薩利木、我儕之足
 立爾門、耶嚕薩利木乃建如緊密之城、來此諸支、即主之
 支派、依伊斯喇伊泐規例起、而讚揚天主之名、於此設審
 判之寶座、達微德家之寶座、爾曹宜為耶嚕薩利木祈平
 安、願愛之者獲平安、願都內享和睦、宮中獲平安、因我弟
 兄及親近故、我云平安於爾、因天主我主之堂、我願爾得
 善、

第一百二十二聖詠

居於天者、我舉目望爾、如僕目望主人之手、如婢目望主
 母之手、我儕之目、如此望天主我等主、直至其矜憐我等、
 矜憐我等、主歟、矜憐我等、蓋我儕受輕藐、已厭足、我儕之
 靈、因怠慢之凌辱、驕傲者、輕藐已厭足、

第一百二十三聖詠

伊斯喇伊泐必云、若非主偕我等、人起攻我儕時、若非主
 偕我等、則彼眾定發怒如焚、以攻我儕、必生餓我、水必漫
 我等、泉必湮我等靈、烈風之水必湮我等靈、主被讚揚者、
 因其弗以我付於以其齒所嚙者、我儕之靈得釋、如鳥脫

於捕者之羅羅，縱我等得救，我儕之扶助，在彼造成天地之天主名。

榮光讚詞

第一百二十四聖詠

賴主者如錫汶山弗搖撼，乃永在諸山周耶嚙薩利木主，乃環其民，自今至無窮世，主必不使惡者之杖，在義者之業，為義者弗舒手往作慝，主歟，施恩於善人及心正直者，願主以迴轉行其曲徑者，必令其與作慝者同行，願平安歸於伊斯喇伊泐。

第一百二十五聖詠

主歸錫汶被擄者之時，我儕如夢，彼時，我儕之口盈喜樂，我之舌滿歌頌，其時在列邦者有云，主為眾民行大事，主既為我儕行大事，我儕喜悅之，祈主歸我儕被擄者，如南流之水泉，以淚播種者，將以樂穫，以哭泣攜其種，以歡欣而來攜其麥積。

第一百二十六聖詠

苟主弗建室，則建者徒勞，苟主不守城，則守者徒做醒，爾曹徒夙興晚眠，食憂勞之食，惟主所愛者，雖寢亦錫之子。

乃主所賜之業、^五娠婦所產、乃係賞賜、少年之子、如矢在勇士之手、福哉、以之實其弮者、必弗承羞、可以於闔闔向仇敵而語。

第一百二十七聖詠

福哉、凡敬畏主、而行其途者、爾必由己手之劬勞而食、其乃有福、且得善、^三爾妻必如實繁之葡萄枝、於爾家帷、爾諸子將環爾席、如青果枝、^四敬畏主者、必如此獲福、主必自錫^五汝祝福、爾一生之諸日、必睹耶嚕薩利木之休盛、且爾^六獲見爾子之子、願平安歸、伊斯喇伊泐。

第一百二十八聖詠

伊斯喇伊泐必云、自我幼時、伊多次迫我、自我幼時、伊多次迫我、^三第從未勝我、耕田者、犁於我背上、乃長其壠、^四主乃公義、剖斷惡者之桎梏、^五願凡疾錫汝者、承羞而却、願其將^六如屋脊之草、未耘而枯、刈之者不盈手、束之者弗盈握、^八過者亦弗云、願主之祝福歸爾曹、我藉主名而祝福爾。

榮光讚詞

第一百二十九聖詠

主歟、我自深淵呼籲爾、^二主歟、聆我聲、願爾耳聽我之禱聲、

主歟、若究察罪惡、主歟、則孰能立、第爾施赦宥、願人敬畏
 於爾前、我望主、我靈望主、冀望主言、我靈候主、踰於更漏
 之待旦、踰於更漏之待旦、願伊斯喇伊泐冀望主、蓋鴻恩
 在主、大援亦屬之、伊將救伊斯喇伊泐脫離諸罪惡、

第一百三十聖詠

主歟、我心不驕、目不仰、我弗入於我不逮之大事、我豈不
 安慰、拊循我靈、如斷乳之嬰、我靈於我、如斷乳之嬰、願伊
 斯喇伊泐冀望主、自今直至無窮世、

第一百三十一聖詠

主歟、祈記憶達微德、及其焦急、伊曾設誓於主、許願於亞
 闊烏之全能者、謂夫、我必真不入我家之帷、亦弗登我榻、
 我弗容我目眠、弗容眉目哂息、迨我為主、獲一區、即為亞
 闊烏之全能者、獲居處云、我儕聞其在耶福喇發、遇之於
 伊阿喇木之田中、我儕可至主宅、匍伏於伊駐足之地、主
 歟、立於爾之安居所、爾與其能力之積、爾之諸司祭必服
 義、爾之聖人必喜悅、因爾僕達微德之故、毋轉面於爾之
 被傳油者、主曾以真實設誓於達微德、必不反復其誓、謂
 我將以爾腹之果、置之爾位、爾嗣若守我約、及我所欲誨

之默示、則彼嗣必永坐於爾位、蓋主已擇錫汝、欲以之爲
 己宅、此間水爲我之安居所、我必居此、蓋此乃我所願者、
 祝福歟、我必祝其糧、必以食贖波貧窶者、我於其司祭必
 以救服之、彼聖人必喜而悅、於彼、我必令達微德之角萌
 長、我爲所傳油者、置一燈、我於其諸仇敵、必以羞恥服之、
 其冠冕必耀光、

第一百三十二聖詠

弟兄同居、何其善、何其美、此乃如寶膏在首、直流至髯、卽
 阿阿隆之髯、復流至其裾、如降於錫汝山、爾孟之露、蓋在
 彼、主令降福、卽永生、

第一百三十三聖詠

今宜讚揚主、主之諸僕、宵間立於主室者、卽我天主室之
 各院、宜舉爾手向聖所、而讚美主、造成天地之主、必自錫
 汝降福予爾、

榮光讚詞

第十九分

第一百三十四聖詠

宜讚美主名、主之諸僕、宜讚美之、卽立於主室者、於我天

主室之各院讚美主，因其乃善者，宜歌頌其名。斯為甘美，四

蓋主為己選亞闊烏，及伊斯喇伊泐為其業，我曾知主乃，五

至大，我儕之主崇於諸主，凡主所願者，即行之於天於地，六

於海於諸淵，令雲自地角起，於雨中作電，令風出其府庫，七

伊擊耶吉撒突之首胎生者，自人至畜，於耶吉撒突內施，八

妙蹟奇事，臨至發喇汶直至其僕，復擊多民，滅有力之王，九

即阿摩咧王，名錫公，及瓦散王，名鄂噶，及凡哈納按之諸，十

國，以其地賜伊等為產，即為其民，伊斯喇伊泐之產，主歟，十一

爾名乃永在者，主歟，以爾記之於世世，蓋主將審判其民，十二

十四

十三

且矜憐其僕十五異邦之偶像、乃金與銀者、人手所造者、其有十六
口而弗言、有目而弗見、有耳而弗聽、且其口無氣、造之者十七
倚之者與之相似、伊斯喇伊泐家宜讚揚主、阿阿隆家宜十九
讚揚主、列韋家宜讚揚主、敬畏主者宜讚揚主、居於耶嚕二十
薩利木之主、自錫汶被讚揚、

第一百三十五聖詠

宜讚榮主、伊乃善者、因伊恩慈永存、宜讚榮諸主之主、蓋一
其恩慈永存、宜讚榮諸君之主、蓋其恩慈永存、獨行大奇蹟二
者、蓋其恩慈永存、以睿智造天者、蓋其恩慈永存、定地於水三
者、蓋其恩慈永存、以睿智造天者、蓋其恩慈永存、定地於水四
者、蓋其恩慈永存、以睿智造天者、蓋其恩慈永存、定地於水五
者、蓋其恩慈永存、以睿智造天者、蓋其恩慈永存、定地於水六

上者蓋其恩慈永存七造大光者蓋其恩慈永存八即造日司晝
蓋其恩慈永存九造月星司夜蓋其恩慈永存十伊擊耶吉撒突
首胎生之子者蓋其恩慈永存十一出伊等中攜伊斯喇伊泐人
者蓋其恩慈永存十二即以能力之手及導引之肱蓋其恩慈永
存十三伊分紅海者蓋其恩慈永存十四令伊斯喇伊泐得過海蓋其
恩慈永存十五遺發喇汶及其兵於紅海蓋其恩慈永存十六伊仍攜
其民過曠野蓋其恩慈永存十七擊數大國之王蓋其恩慈永存十八
戮有力之君者蓋其恩慈永存十九即阿摩咧王錫公蓋其恩慈
永存二十瓦散王鄂噶蓋其恩慈永存二十一以其地賜其民爲產蓋其

恩賜永存二十三即爲其僕伊斯喇伊泐之產蓋其恩慈永存二十四伊
曾記憶我儕於微賤時蓋其恩慈永存二十五救我儕於我仇敵
中蓋其恩慈永存二十六以糧賜凡有肉軀者蓋其恩慈永存二十七宜
讚榮天上之主蓋其恩慈永存二十八

第一百三十六聖詠

我儕曾坐於瓦微隆諸河之干憶錫汶即哭泣於彼中我
儕懸琴於柳蓋因在彼擄劫我儕者強我儕歌頌之言凌
迫我儕者強我儕歡樂謂常爲我儕錫汶之歌頌我儕在
異邦豈歌頌主之歌頌乎耶嚕薩利木乎我若忘爾即願

我右手忘我耶嚕薩利木乎我若弗憶爾凡我所喜悅者
 弗以爾為最則願我舌黏於我喉主歟為耶鐸木裔記憶
 耶嚕薩利木之時日而云敗壞之敗壞之直至其基址瓦
 微隆可毀之女福哉凡報爾亦如爾待我儕者福哉以爾
 嬰碎之於石者

榮光讚詞

第一百三十七聖詠

我盡心讚榮爾且於諸主前歌頌爾因爾聽我口之言我
 向爾聖堂匍伏且因其恩慈及真理讚榮爾名蓋爾曾廣

大其辭逾爾名適我呼籲爾之日爾允我且以健壯入我
 靈主歟地之列王聞爾口所言者必讚榮爾即歌頌主之
 途蓋主之榮光為大主乃崇高猶願卑微者第於驕傲者
 則遙識之我若行於苦難中爾將甦我舒爾手攻我仇敵
 之怒以爾右手將救我主代我報復主歟爾恩慈永存毋
 棄爾手所造者

第一百三十八聖詠

主歟爾曾察試而識我我坐我起爾知之爾自遐方而知
 我之念慮我途徑我休息爾環我凡我之途爾知之主歟

我舌未發言而爾無不深知之五爾環我前後爾手撫於我
 上識爾乃為我奇妙者崇高者我不可測之七我焉往得避
 爾之神焉往得逃爾之面八我若升天爾即在彼若降於地
 獄爾亦在彼九我若乘朝霞之翼或居於海濱十於彼爾手亦
 率我爾右手持我十一倘我言昏暗覆我我所環之光明將易
 為黑夜則昏暗不能蔽我於爾前夜亦光照如日昏暗若
 何被光明亦如之十三蓋爾造我臟腑於我母之腹造我十四讚
 榮爾因我奇妙之受造爾所為奇異此乃我靈所確知者
 我被造於隱秘我被造於腹之深時我骸骨弗隱藏於爾十五

爾之目見我於胚胎時為我所定之年日未屆其一已皆
 紀於爾冊十七天主歎爾之念慮為我何其崇大彼數何其多
 我欲籌之第其多多於沙我寤尚與爾偕十九天主歎戮惡人
 喜流血者宜離我伊等以惡言稱述爾爾仇敵妄謀二十主歎
 疾主者我豈弗疾之攻主者我豈弗厭惡之二十一我以痛恨疾
 之以之為我仇敵二十二天主歎察試我而知我心試我而知我
 意見我有何險徑乃導我於恒久之途二十四

第一百三十九聖詠

主歎救我於惡者護佑我於凌迫者伊等心中謀害累日

備戰、伊利其舌如蛇、其唇匿虺毒、主歟、守我脫惡人之手、
 護佑我於凌迫者、卽欲令我足搖撼者、驕傲者爲我覆機、
 獲及圈套、爲我張網於道、爲我設罟、我曾向主云、爾乃我
 之天主、主歟、聽我禱聲、主歟、主歟、我救之力、爾曾蒙我首
 於戰期、主歟、毋允凶人所欲者、毋令其策謀克成、其將自
 傲、願環我之首、其已昏之害累、必覆之、願熱炭將投於其
 上、願彼將令其落於火中、在深阱內、不復得起、惡舌者弗
 獲堅立於地、惡必牽援凌迫者於滅亡、我知天主必施審
 判於受阨者、施公義於窮乏者、是以義者將讚榮爾名、無

玷者必居於爾面前、

榮光讚詞

第一百四十聖詠

主歟、我呼籲爾、祈速聽我、我呼籲時、祈聽我禱聲、願我之
 禱如爐香陳於爾面前、我舉手獻如暮祭、祈主立守者於
 我口、且禁我口之門、毋令我心偏向惡言爲謝、偕作隱者作
 隱、亦弗容我食伊等之珍饈、願義者罰我、以爲恩慈、願謹
 我、以爲極美之膏、其膏不能病我首、第我祈禱爲解伊等
 之惡事、其官長被散於石、聽我言、以爲溫柔、伊等如土剖

分爲段於我等，我儕之骸被散於地獄之口，主歟，主歟，第九
 我目向爾，以爾爲冀望，毋推却我靈，守我脫伊等爲我所
 設之機檻，及行惡者之羅，惡者必自觸其網，惟我得過，

第一百四十一聖詠

我以聲呼籲主，以聲向主禱，我挹我禱於其前，我剖分我
 憂於其前，我靈倦於心內時，爾識我之途，伊等在我所行
 之路，暗覆網罟，我向右而視，無人識我，我無投避處，無人
 顧我靈，主歟，我曾呼籲於爾云，爾乃我之投避處，及我所
 生之地，分祈聽我之呼籲，因我極疲倦，救我於逼害我

者，因伊等較我有力，拯提我靈出獄岸，爲我克讚頌爾名，
 爾以恩寵顯於我時，義者將環我，

第一百四十二聖詠

主歟，聆我所依爾之眞實，納我禱，依爾之公義聽我，毋與
 爾僕訟質，因凡有生者，無一能表白於爾前，仇敵逐我靈，
 擲躡我生命於塵土，令我如久死者，居於昏暗，我靈鬱悶
 於我哀，我心痴呆，追思古時，記憶爾之諸行，默思爾手所
 作者，我舉手向爾，我靈向爾如旱地之渴，主速聽我，我靈
 疲乏，毋蔽爾面於我，爲不使我如入墓者，允我早聽爾之

恩因我冀望爾主指示我，以我當行之途，因我舉我靈向
爾主救我於我之仇敵，我投依於爾，訓我遵爾之旨，蓋爾
係我之天主，願爾之善神導我於公義之地，主因爾之名
蘇我，以爾之公義拯提我靈，自苦難中，因爾之恩慈，滅我
之仇敵，夷諸制壓我靈者，因我係爾之僕。

榮光讚詞

第二十分

第百四十三聖詠

主被讚揚者，我之堅固，教我手戰鬪，誨我指攻擊，我之恩

憐及圍護我之投避處，及我之救者，我之藩屏，我所倚賴
者，伊令我民順屬我，主歟，人為誰，爾識之，人子為誰，爾眷
顧之人，如嘘，其日如晷之逝，主歟，令天垂而降臨，搗山令
其起煙，掣電瀆之，射爾之矢，敗之，自上舒爾手，脫我救我
出大川於異邦人之手，其口妄言，其右手乃詭詐之右手，
天主歟，我將以新歌歌頌爾，我將以十絃之樂器奏樂於
爾，乃令列王獲救者，且脫離爾僕達微德於致害之刃者，
脫我救我於異邦人之手，其口妄言，其右手乃詭詐之右
手，願令我子如穉時長成之植物，令我女如殿角雕刻之

柱願令我倉充滿，各色具備，令我羊滋生千千萬於我之
十三 牧地，願令我牛肥無劫無失，無報苦於我之衢，十四 福哉，此類
十五 之民，福哉，獲天主為其主之民。

第一百四十四聖詠

一 我天主我君，我將稱頌爾，讚美爾名於世世，我將累日讚
二 揚爾，讚美爾名於世世，主乃大者，宜讚美者，其大不可測，
三 歷代必讚美其所為，亦宣揚其能力，我將默念爾大威嚴，
四 之光榮，及爾奇妙之事，人將論爾，可畏行事之大力，我亦
五 將宣揚爾之威嚴，人將大稱爾大善之記念，將歌頌其公

義主乃鴻恩，乃慈悲，乃恒忍，且大有憐憫，主於眾人乃善
八 者，且其鴻慈於凡所造者，主歟，願爾之所造者讚美爾，爾
九 聖人亦將讚美爾，論爾國之光榮，言爾能力，為以爾能力，
十 及爾國光榮之威嚴，示人之子，爾國乃永世之國，爾統轄
十一 直至代代，主所言乃真實者，所行乃聖者，主撫扶凡傾跌
十二 者，起立凡仆倒者，眾目冀望爾，爾隨時以糧賜之，主張手
十三 以恩慈餵眾生，主乃公義於其諸途，乃善於其所造者，主
十四 乃邇近凡呼籲之者，即以真實呼籲之者，凡畏主者之所
十五 願，伊必成之，聽其呼籲而救之，主守凡慕之者，惟凡作惡
十六

者滅亡之、我口將述主之讚美、凡肉軀者必讚揚爾聖名於世世、

榮光讚詞

第一百四十五聖詠

我靈宜讚美主、我尚生時將讚美主、我至終讚頌我之天主、
主毋倚侯王及人之子、因其弗能拯救、彼氣既絕即歸其土、其所謀者即日消亡、福哉、亞闊烏之天主所佑助者、冀望其主、天主係造成天地、海及凡其中所有、而永守真實者、為受窘迫者伸理、饑者賜之糧、主釋被掠者、主開瞽者

之目、起凡被屈者、主愛義德者、主護佑羈旅、賙卹孤子、殘婦及消滅惡者之途、主將主宰至恒久、錫汶乎、爾之天主、宰於世世、

第一百四十六聖詠

眾宜讚美主、蓋歌頌我儕之主、乃善者、乃甘悅者、其美當屬之、主建耶路撒利、木盡集、伊斯喇伊泐之遺逐者、主療傷心者、醫其憂患、主核定星數、均以其名呼之、我主、乃大而有洪能、其睿智無量、主扶自卑者、惟仆彼惡者於地、爾曹宜輪次讚頌主、以琴歌詠於我天主、伊以雲蒙天、為地

備雨令草長於山以糧爲人用以食予獸亦予向其嗚呼
 之鴉雛主不顧馬之有力不喜人足之急趨主愛敬畏之
 者及冀望其恩慈者

第一百四十七聖詠

耶噶薩利木宜讚榮爾主錫汶讚美爾之天主蓋伊建爾
 門之關鍵於爾曹內降福爾子布安和於爾邊陲以精細
 之麥餵爾主遣其諭於地其諭行之極速降雪如羊毛撒
 霜如灰降雹如塊孰克禦彼嚴涼主發言悉消之令風噓
 而水流以其言示亞闊烏以其法律及審判示伊斯喇伊

泐無論何民主從未如此待之且伊等弗識其審判

榮光讚詞

第一百四十八聖詠

眾在天者宜讚揚主居高者宜讚之其諸天神均宜讚揚
 之其諸天軍宜讚揚之日月宜讚揚之諸施光之星宜讚
 揚之諸天之天及逾於天之水亦宜讚揚之亦宜讚揚主
 之名因其祇一言卽有一命卽成立於恒久定准其不可
 越宜讚揚主於坤輿卽謂大鯨諸淵火及雹雪及霧聽從
 主言之烈風諸山諸邱陵果樹諸松柏樹諸野獸及諸畜

諸蟲及諸鳥^{十一}世上諸君及萬民諸王及世之有司^{十二}幼童及
 處女^{十三}老與稚亦宜讚揚主名因惟主名為高其光榮徧滿
 天地^{十四}因主舉其民之角舉其諸聖為親之之民即謂伊斯
 喇伊泐之光榮

第一百四十九聖詠

眾宜歌頌主以新歌頌於諸聖會宜讚美之^二伊斯喇伊泐
 宜喜悅造成之者錫汶之子宜慶賀於其君^三宜諧聲讚榮
 其名以鼓以琴歌頌之^四蓋主悅其民以拯救顯榮彼謙卑
 者^五願聖人以光榮慶賀並於其榻歡欣^六必於口發讚榮天

主之詞於手執雙刃之劍^七為報復於列邦及施刑於異民
 令索繫彼列王以鐵箍^八箍彼卿相為以所紀錄之審判行
 於伊等斯榮耀皆屬其聖人

第一百五十聖詠

眾宜讚美主於其聖所讚美其榮福穹蒼^二因其全能讚美
 之因其宏威讚美之以角聲讚美以琴以瑟讚美^四以鼓及
 侑讚美以絃及笙笛讚美^五以和聲之鉞讚美以大聲之鐃
 讚美^六凡有呼吸者宜讚揚主

榮光讚詞

聖詠經終

續聖詠附

昔我於弟兄中係至小者，於我父家係年少者，我牧我父
 之羊羣，我手作笙笛，我指調和琴聲，三孰能以我告知於我
 主，乃主親聽我，四遣其報信者，從我父羊羣中提拔我，以其
 聘質之油傅我，五我弟兄皆係美善高大者，惟主不願簡選
 伊等，六我出向異邦人而迎之，彼以其偶像詛詈我，七我乃奪
 其刀而斬之，以救伊斯喇伊泐子之恥辱。